




ایسیرکچر

قوشانی

۱- آلاو



۲ اورین نشر
چاپ و نشر حقّی محفوظ دور

وطن عشقی

xxxxxxxxxxxxxx

کولگه تک سووکه نیب دالینجا گلن
دا غلارین باغرینی فرهاد تک ده لسن
عشقینله اوجالیب گویه یوکسلن
شاعرم ، صفینی یازارام وطن
مین نعمت وثرمیسن، مین عزت آلدیم
مهربان باغریندا داغ تک اوجالدیم
قوینوندا دوغولدوم ، اورداقوجالدیم
گولوم سن، گلشنیم ، هزارام وطن

وطنسیز بیرانسان قانادسیز قوشدور
انسانین حیاتی وطنده خوشدور
مهرینله قلبیمی، دریاتک جوشدور
جوشماسا ئولویم ، مزارام وطن

آرازام یاردیم ائت دنیزه دولوم
سن منیم قانادیم سن منیم قولوم
«سن منیم مقصدیم ، سن منیم یولوم»
کج اولسام یولومو آزارام وطن

حسنوندور هرزمان باشيمين تاجي
حياتيم قوينوندا اولماييب آجي
باغيندا ديرچهلن وج سيز آغاجي
كوكوندهن اويارام ، قازارام وطن

قارانليق گنجه مه عشقين نورسا چار
عشقينه چيچكلر ، غنچه لر آچار
هرباغلي قاپي يا عشقيندير آچار
عشقسيز حياتدان بزارام وطن

داغلارين بورونور دومان ، چنه
باش اگمز هئچ زمان ياغي دشمنه
دشمنين آياغي توخوندا سسنه
اصلان تك جوشارام ، قيزارام وطن

والهم سنده كي شانا ، شوكته
بومغرور ، قهرمان ائله - ملته
بابك ده يعقوب دا اولان غيرته
دايما سوزقوشوب يازارام وطن

آی اولدوزلو گویلرینه
چیچک آچان چوللیرینه
قاز ، سونالی گلرینه
وورولموشام اوشاقلیقدان
آذربایجان ، آذربایجان

سنبل هورنده ساچلارین
گول بورویه ن یا ماچلارین
میوه دولو آغاچلارین
طبیعتیه وئریبدی جان
آذربایجان ، آذربایجان

آغ بیرچک لی قوجا آنا
ایگیت لرین گلمز سانا
کورا وغلویا ، ستارخانا
گووه نرسن هر بیر زمان
آذربایجان ، آذربایجان

چنلی ، دومانلی داغلارین
اینجی دولو بولاقلارین
قدر بیلن اوشاقلارین
سنده ن آلار نام ونشان
آذربایجان ، آذربایجان

آذربایجان

xxxxxxxxxxxxxxxx

آنا وطن ایلک سئودیگیم
"یا لان دئسم یانسن دلیم"
جانیمدا ن چوخ ایسته دیگیم
قلبیم ده قان جسمیمده جان
آذربایجان ، آذربایجان

جیران قاچار دا غلاریندا
گول آغاجلی با غلاریندا
گزسم بهار چا غلاریندا
قوجا عمروم اولار جوان
آذربایجان ، آذربایجان

سن ایگیت لر آناسی سان
اصلان لارین یوواسی سان
خسته لرین دواسی سان
سن طبیب سن، هم ده لقمان
آذربایجان ، آذربایجان

اودلار ، آلاولار دیاری
ئولکه لرین شان، وقاری
سن یئتیردین شهریاری
سوز ملکونون شاهی قطران
آذربایجان، آذربایجان

نظامی ده ن آلدین نظام
صائب وثریبدر استحکام
نسیمی ، اوحدی، همام
مهستی، صابر، ناتوان
آذربایجان ، آذربایجان

عاشق لارین سازین چالار
قوچ کورا و غلو گدیک آلار
هامی سنده ن گئری قالار
سن - سن شرقه ایشیق ساچان
آذربایجان ، آذربایجان

چوللرینده تر بنفشه
گوی چمنلر، یاشیل مئشه
عشقین اولوب منه پئشه
قارتا لارین دا غلار آلان
آذربایجان ، آذربایجان

اڭلار

xxxxxxxxxxxxxxxxxxxx

سازيم ، ديليم ، سوزوم اڭلار
داليزجادير گـوزوم اڭلار
نئجه درده دوزوم اڭلار
سۆنمز اودوم ، كوزوم اڭلار

اصلی گئديب كرم قاليب
يار هجرانی جانين آليب
يانيق كرم ، سازدا چاليب
ائشيدميشم ئوزوم اڭلار

گولگزينی عباس آرار
تاپسا اونون ساچين دارار
غم غصه لر ئورهك يارار
سئلده نئجه ئوزوم اڭلار

چال سازيني قولاغ آسيم
جانيم ، گوزوم ، خسته قاسم
سن گلمه سن اولار ياسيم
اوندا نئجه دوزوم اڭلار

دنیا دنیز، یوخدور آدا
شاه صنمی سالدیم یا دا
قریب کیمی یاندیم اودا
ایندی دوشوب کوزوم ائلر

بوشعرده کی کیشی آدلاری آذربایجان عاشقلاری،
و قادینلار، اونلارین سئوگیلی لری دیر .

تبریز

xxxxxxxxxxxxxxxxxxxx

آلولاردان یارانمیسان
زلف لرتک دارانمیسان
ظلمه قارشی دایانمیسان
گوزهل شهریم آنام تبریز

ستارخانین شهری سن
قوجا شرقین سحری سن
تاخدان سالدین قجرى سن
قویما اودا یانام تبریز

باسغینچی لار سنده باتدی
سنی گورجک تاجین آتدی
سنده ئوز من لیگین ساتدی
اولار سنی دانام تبریز؟

قوچا خلارین قوچا غی سان
ایستی آنا قوچا غی سان
مدنیت اوجا غی سان
دئدین ائله جانام تبریز

مین ایگیت دن نشانین وار
دوز عهدین وار پیمانین وار
گلستانین ، ریحانین وار
گلوب ، چشمه ، سونام تبریز

آذربایجان

xxxxxxxxxxxxxxxxxxxx

داغیم ، چیچکیم
گوزوم ، بهبکیم
جانیم ، ئوره گیم
گوزلیم گویچکیم

باغیم ، گولوم
قدرتیم ، سئلیم
قهرمان ، ائلیم
آرزوم ، اُمَلیم
قالام ، تَمَلِّیم
شعریم ، دستانیم
باغیم ، بستانیم
لاله‌م ، ریحانیم
دنیزیم ، طوفانیم
آرخام ، بئلیم
قدرتلی ائلیم

x x x

فخریم ، آدیم
لذتیم ، دادیم
سن سن هرزادیم
ائلیم ، وطنیم
ئولنده کفنیم
اولارتورپا غین

x x x

گوزل دیاریم
سوزوم ، ایلقاریم

سن سن نگاریم
گولوم ، بهاریم
باغیم ، گولزاریم
ازلیم ، انجامیم
ماهنی م ، مقامیم
شعریم ، الهامیم
منده دیل ، بیان
داماریمدا قان
سندهندییر اینان
اودلار اوجاغی
آذربایجان

آذربایجان گوزه‌لی

xxxxxxxxxxxxxxxxxxxxxxxxxxxx

بوشعری آذربایجان گوزه‌لی ، ایگیت‌لرآناسی ،
تویلار ، مجلس‌لر بزه‌گی یوخ مبارزه‌لر قهرمانی
اولان آذربایجان قادینینا تقدیم ائدییره‌م .
بوشعربیر آذربایجان ماهنی سیندان متاء ثردیره
گوزل سننن قاراگوزون
ووردو منه یارا گوزون
گرک ائده چارا گوزون

جیران کیمی باخیشلارین حشمتینه قربان اولوم
"آذربایجان گوزلینین عصمتینه قربان اولوم"

قارا زولفون کمند اولدو
گولوشلرین ده قند اولدو
کونول عشقینه بند اولدو
اویای کیمی کمان قاشین صولتینه قربان اولوم
"آذربایجان گوزه‌لینین عصمتینه قربان اولوم"

چنلی بئلین بهاریسان
اثللریمین وقاریسان
کورا وغلونون نگاریسان
هجرکیمی غیرتلی سن ، غیرتینه قربان اولوم
"آذربایجان گوزه‌لینین عصمتینه قربان اولوم"

سنین ایسدی قانین واردیر
بابک تک اثلخانین واردیر
ایگیت ستارخانین واردیر
ایگیت‌آنا ، وقارینا ، حرمتینه قربان اولوم
"آذربایجان گوزه‌لینین عصمتینه قربان اولوم"

صاف عشقین وار ، ایلقارین وار
متانتین ، وقارین وار

محبت تک شعارین وار
 ئوره گینله ، ئوره گیمین الفتینه قربان اولوم
 " آذربایجان گوزه لینین عصمتینه قربان اولوم "
 گوزه ل آرزون دیلگین وار
 چوخ مهربان ئوره گین وار
 ایشده بویوک امگین وار
 زحمت چکن اللرینین زحمتینه قربان اولوم
 " آذربایجان گوزه لینین عصمتینه قربان اولوم "
 آنالارین آناسی سان
 بو گللرین سوناسی سان
 سن گوللرین رعناسی سان
 ئولکه میزین بزرگی سن ، زینتینه قربان اولوم
 " آذربایجان گوزه لینین عصمتینه قربان اولوم "
 گنجه دوردون کنشیگیمده
 لایلا دئدین بنشیگیمده
 سن ائویم سن انشیگیمده
 اومهربان ئوره گینه ، شفقتینه قربان اولوم
 " آذربایجان گوزه لینین عصمتینه قربان اولوم "
 بیروقت اولدون زینب پاشا
 دئدین: قیزلار دولون داشا
 ایگیت ووردون عمر باشا

توکنمیهن جسارته، جراء تینه قربان اولوم
" آذربایجان گوزهلینین عصمتینه قربان اولوم "

یورغون کولو (۱)

xxxxxxxxxxxxxxxxxxxxxx

نه دن " یورغون " دایانمیسان؟
نه چون اودلار دایانمیسان؟
سوسوز چولر یئرین اولموش؟
یای گلمه میش رنگین سولموش
توزلو یوللارا باخیرسان
اولدوزکیمی گاه آخیرسان
ئیلدیریملار تک چاخیرسان
سینه می اودا یاخیرسان
سوسوز لوقلار دیاریندا
" یورغون " یوللار کناریندا

۱- یورغون YORĞUN چوللرده بیتن ایسدی وسوسوزلوغا
دوزهن بیرکولدور بو طبیعتله دوروشان و حیاتینی
ان پیس شرائطده حفظ ائدهن بیر گویه رهنتی دیر
و YORĞUN کلمه سینه (یورولماق مصدریندن)
بنزه ریشی واردیره

نە دورموسان ؟ منتظرسن ؟

سئفیل - سئفیل نە گزیرسن ؟

سوسوز چوللری بزیرسن

نەدن " یورغون " یورولموسان ؟

بولانمیسان ، دورولموسان ؟

ئورەگیندە نەلر واردیر ؟

گئنیش چوللر سەنە داردیر ؟

سەنی آتان هانسی یاردیر ؟

چوخ چکمیسە انتظارى

گوزلەییرسە ، دوستى ، یارى

گئجە کئچمیش اولموش یارى

سحر گلر " یورغون " کولو

آچار اوبا غلانمیش قولو

سەن بو یوللار یورغونوسان

ئوز چولونون وورغونوسان

سەن هجرانین پوزغونوسان

نە دەن یوخدور بارین سەنین ؟

هاردا قالمیش یارین سەنین ؟

یقین آهە زارین سەنین

بوچوللری اودا ، یاخمیش

كباب كيمي شيشه تاخميش
ايللر بويو سوسوز چولده
دايانميسان قاردا ، يئلده
غرق اولورسان داشغين سئلده
تانئييري ائللرسنى
سارسيتماسين يئللرسنى
شاققىلدايان سئللرسنى
حيات اولور سنده اثبات
ظهور ائدير سنده حيات
تاپا جاقسان بير گون نجات
يارين گلر چاتار سنه
گول - چيچگى قاتارسنه
هر طرفين بير باغ اولار
لاله باغدا ياناغ اولار
اولدوز اونا چراغ اولار
آت غملرين داشيني سن
قالدير گويه باشيني سن
سيل گوزونون باشيني سن
ايللر بويو ووروشورسان
سوسوزلوقلا دوروشورسان

سارسیلمايان " يورغون " كولو
بوتان اولسون گولله دولو
بو قيش گئده ر بهار اولو
چوخ دوزموسن هجرانينا
گلر بيرگون يار يانينا

ايستيره م

xxxxxxxxxxxxxxxxxxxx

ايستيره م قيزيلدان بير كليد اولام
باغلي قاپي لاري قاهارام آچام
ايستيره م سو اولام چايلارا دولام
آرازتك يوگوروب دريا يا قاچام
اوزون گئجه لرده غرق اولان زمان
بير گونش اولاراق عالمه ساچام
پارلايام ئولدوزتك قارانليق گویده
گوستره م كاروانا قار توتמוש يولو
ايشارام فنارتك مناره لرده
يول آزميش ساروانا بلد چي اولام
ايستيره م قار اولام كولگه دونم
هريانا باشچكم ، قاپيلار دوگم
ياغيش تك توكولم چوله ، باغچايا

لاله‌لر بیتیریب ، چیچک یارادام
 موسی تک عصانی آلام الیمه
 محو ائدهم سامری ، قیزیل بیزووی
 نوح اولام سئلردن یوکسک ده دورام
 جودی دا غلاریندا محکم دایانام
 حیاتی حفظ ائدهم داشغین سولاردان
 ایستیره‌م دنیزده بیر بالیغ اولام
 یونسی قوروپام فیرتانالاردان
 گئنیش دریالاردا بیر آدا اولام
 غرق اولان گمی لر منه یانالا
 ایستیره‌م چیچکلی باغچایا دونم
 اوشاقلار شادلیقلا منده دولانا
 روحومو آرشتک قویام اوخوما
 قوروپام ئولکه مین سرحدلرینی
 سئل اولوب دره‌لر ، داغلاری آشام
 چشمه تک قایناییب ، دریاتک جوشام
 ایستیره‌م بیر یانار جهنم کیمی
 یانديرام جهالت ، فقری ، کینه‌نی
 سئویره‌م قارالار ، ساری لار ، آغلار
 کیمسه نی غم سیخیب اولماسین آغلار

عشق ايله چيرپينسين بوتون ئوره كلر
گول آچسين آرزولار ، گولسون ديلكلر
يوكسلسين انسانين قدر و قيمتي
شاشاراق مات قالسين اونا ملكلر

آجي چايي

xxxxxxxxxxxxxxxx

آجي چايي

بورولارق

شوران توتوموش شور چوللرده

شورا باسميش كناريندا

نه بير آغاج

كولگه لنسين ، كولگه سينده

بیرمسافر

يا بير چوبان

نه اوت و اردير

نه ده علف

اورتا سيندا

يووا قورسون

بيلدير چينلر

ساري كوينك

سوسوزلوقدان

هرشئی اولار

اوردا تلف

xxxxxxxx

ایلان کیمی بورولورسان

ایلان کیمی زهرلی ، سن

هربیتگی نی زهرلیسن

ساحلرین آغ شورا دیر

شوران بیتر بیرتک اوردا

سوون نیه آجی اولموش؟

آجیلیقلار سنه دولموش؟

آجی چایی آدین اولموش

نه اردکین

نه ده قازین

کولک چالیر سنده سازین

هربیر چایین کنارینی

بورویوبدور

سیخ مئشه لر

یا شیل اوتلار

اوردا قویون - قوزو

اوتلار

قورويوبدور ساحلرين

علف هورمور

کنا ريندا

شن تئلرين

بیرآنا سان

بالان يوخدور

سنده قوناق

قالان يوخدور

نه اوغلون وار

نه ده قيزين

سونسوز آنام

آجي چايي

کدرينين يوخدور سايي

آجيقلانيب

آجي اولدون

غمله دولدون

سيخدي غملر

کدرسني

اثل سانميري

هدرسني

سن اثلرين

اثل غمي سن

ئورەگىنىن ورمى سن
 سولارىندا
 ارييبدير
 ايلربويو
 ائلين غمى
 اوغلو ئولموش
 آنالارين
 يانغين - يانغين
 دردلى آهي
 سنه دولموش
 بونلار ائتميش
 سوون آجي
 تاريخ بويو سن گورموسن
 ئولكه ميزه آخيب گلن
 عربلرى
 مغول لارى
 او تالانچى قولدورلارى
 ازىلميسن ، بوغولموسان
 فیرتانا دا دوغولموسان
 قهرمان تک دويوشموسن
 عثمانلىلار
 نيكلاى لار

ئوزەرىندىن نىچە كره

آدلایا راق

با سغین ائتمیش یوردوموزا

گوزون گورموش تا لانداری

شور یاش توکמוש

x x x

بیرزما ندا

قاریشمیشدیر

سولارینا

مرد با بکین

قان ترلری

بوشورلوغون

اوترلرین

اثری دیر

xx xx

ئوزەرىندە ووروشموشدور

ستارخانین

یورولمادان

آتلی لاری

با سغین ائدەن

کردلریله

استبدادین ایتلریله

سن تاریخین وراغی سان
عکس اولونور سنده تاریخ
اثلیمیزین محنتلری
تاریخ بویو زحمتلری
گوز یا شلاری
قان ترلری
حیاتینین آجیلیغی
حل اولموشدور
سولاریندا
آجی چایی
یو ، غملری
کدرلری
ئولکه میزدهن
آجیلیغی
حیاتیمیز
قوی شن اولسون
سا حل لرین
کنا رلارین
شیرین تورپاق
کووشن اولسون
قوی باغ اولسون

گلشن اولسون
قىزىل تىللى بوغدا لىقلار
ياشىل گوى - گول يونجالىقلار
بىلدىرچىنە
وطن اولسون
قوى سىرە لر
سىرە چىخسىن
شن اوخوسون
چەچە وورسون
گول بوروموش
با غلارىندا

ئورەگىم

xxxxxxxxxxxxxx

ئورەگىم دريا دىر
هىجوشور، داشىر
لپەلر چالخاشىر
گاھ پىچىلداشىر
دنىزدىر ئورەگىم
ساحلى يوخدور
گىنىشىدىر دريا تىك

صافدير ديلگيم

اورا دا آرزولار

امليم چوخدور

دالغالي دنيزدير

ئوره گيم جوشار

فیرتانا قوپارار

ساحلین دوگر

x x x x

ئوره گيم دریا دير

صدفله دولو

هرصدف اينجیلر يارادابیلر

بیر گوزل بویونونا

بویونباغ اولسا

اينجی نین قیمتی

دگری یوخدور

ساتیلسا نامرده

او اينجی دگیل

دگرسيز مونجوقدور

آلدانما اونا

x x x

ئوره گيم آلاودير

يانار ، آليشار

گونشدهن نور آلار

ظلمته ساچار

قارائلیق گئجه مین

مشعلی اودور

x x x

ئوره گیم قدح دیر

شرابلا دولو

دوستلارا یا غیشدیر

دشمنه دولو

x x x

ئوره گیم چیچک دیر

گولر ، آچیلار

بزه ییر ئولکه مین

داغین ، چمنین

چوخ سئوهر ائلینی

سئوهر وطنین

x x x x

ئوره گیم یارادیر

سیزلایار ، آغلار

• تاپیلسا بیرطیب

یارامی باغلار

قار ، کولک ئوشوتمز

قلبىمى ، دا غلار
كولگه سال ، يانيرى
آى اوجا دا غلار

x x x x

ئوره گيم بىراصلان
اما زنجيرده
قىشقيرير - با غيرير
دوستى چا غيرير

گميرير زنجيرين
دارتير قفسين

گويلره قالديرير

او كسگين سسين

x x x x

ئوره گيم وورغوندور

سنة سئوگيليم

عشقينله دويونور

دايما قلبىم

چيرپينير

اوخ دگميش بير قوشا بنزهر

منتظر گوزلريم

يوللارا با خار

فرها دام عشقینده

دا غلاری دللم

مجنون تک قاچارام

چوله ، باییرا

x x x

ئوره گیم دریا دیر

عشقینله دولو

سئوگیلیم فرقتین

نه یامان اولو

هجرانین یان دیریر

اودلارامنی

گل گوزل سئوگیلیم

گل منه ساری

بیرلیکده بیر گزهک

بوشن دیاری

هجرانین گئجه سی

اولموشدو یاری

دان یئری سوکولور ، سحر آچیلیر

سهندین باشیندان

گونش قالخارکن

بزه سین بودرین

معنالی عشقی

گئجه

xxxxxxxxxxxxx

گئجه دير

قارا نليق چوكوب هريانا

بيلميره م آي گئديب

ينه هايانا

عشوه لي اولدوزلار

قاش گوزون آتمير

بير درين قويويا

بنزه يير گئجه

گوزومون ئونونده

قارا قيركي مي

گورونن گئجه دير

يوخ داها بير شئي

زندانا بنزه يير

قارا نليق گئجه

سيخيري روحومو

ئوزومو ازير

آي دوستوم هاردا دير

هارادا گزير

قاپومو بو دوكن

نە دوستدى ، نە يار
كولكدى بىر دئو تك
چالير قاپونو
نە سسوار، نە سمير
كولكدەن باشقا
هريانى بورويوب
قاپ قارا گئجه
آختاريب گزيره م
بىر اولدوز تاپام
شكايت ائله يم گئجه دن اونا
قارائليق سويله يير:
" تاپا بيلمىزن "
ولاكن بو آندا
اوزاقدان خوروز
بانلايير
سحرين مژده سين وئريير

كولك

xxxxxxxxxxxxxxxxxxxx

اسيركولك

قويمورگولك

قاپولارى دوگوركولك

دام- با جانی دوگمه کولک
بو قدر ئوزون ئويمه کولک
قیش دا گئده ر
قاردا گئده ر
چن دا غیلار
دومان گئده ر
سازاق اسمز
صبری کسمز
قارا قیشین
عمری آزدیر
دالیسینجا گلن یازدیر
گونش چیخار
ایسدی قالخار
تندیرلرده ن توسدو قالخار
بایرام گلر
بهارا ولار
دنیا گلشن
گلزارا ولار
بولاقلاردا یارپیزبیتر
آدا خلی قیز
یارایئتر

داها بسدير

اسمه كولك

بو قدر ئوزون ئويمه كولك

دام - با جاني دويمه كولك

نوروز گولو چوله گليب

قارچيچكي ائله گليب

شاختا گندير

بهار گلير

سازاق سازين چالان چاغدا

لاله بيتر بيزيم باغدا

قوچ نبي يه چاتار هجر

گونش قالخار

گلر سحر

بو قدر ئوزون ئويمه كولك

قاپوموزو دوگمه كولك

قيش

xxxxxxxxxxxx

ينه دا غلار دومان اولدو

ينه حاليم يامان اولدو

ينه چن دوشدو چمنلر

قيروو اولدو
ينه دا غلار قوجاليب
باشلار آغاردی
سو، دونوب، سيرسيرا اولدو
آچمايش غنچه اگيب بوينونو
بیر خیردا يئتيم تک
ساراليب، رنگی ده سولدو
قاراقیش گلدی
قیلینج تک
بلبلون باتدی سسی
قارغا دیل آچدی
دورنالار گئددی
قارانقوش دا دالینجا
بوردا- اوردا گورونن
قارغادی، قوزغون
چوبانین نی سسی داغدان کسلیب
قورد، اولور ایندی
کند کناریندا
گزیشمک ده دی چاققال
آجلیق ائتمیش اونو بدحال
باسمالیقدا دئشینن آغ خوروزو

گوزله ييب ايزلهر
 قوجا تولكو اونو گوزلهر
 توخلولار ، كومدا ، مهلركن
 سولانير قوردلارين آغزي
 تاري دان بيردومان ايستر
 قورد سئوهر قار ، دومان اولسون
 سويوق انساني كسير
 سان كي قيليج دير
 قاراقيشدير
 يول گلن ، آتلي مسافر
 يولو آزميش
 نه جيغروار - نه بيرايزار
 يولو قار گوزدهن ايتيردي
 قار گديك لرده قالاندي
 سوره بيلمير داها سروان
 يول گئدنمير داها كاروان
 اوپشك نرده باتيب
 قارلارا قالدی
 زينقيروولاردا داياندي
 داها چالمير
 گوي قارالدي ، دومان اودلو

یئر آغاردی طوفان اولدو
شاختا دوشدو بوران اولدو
وای نه قیش دیر
سویوق انسانی کسیر
سان کی قیلیج دیر
گل بهاریم
تزه یازیم
کی سویوق کسدی امانیم
سویوغا ، شاختایا
یوخ تاب وتوانیم
تئز اول آی یاز
هاردادی نوروز بابا
تئزگل
تا بزه نسین ینه ائولر
وسئوینسین
بالاجا ، خیردا اوشاقلار
بابا نوروز اولارا
تحفه گتیرسین
اولاری کامه یئتیرسین

وطنیم

xxxxxxxxxxxxx

وطنیم

ای منیم ، گوزوم ، چراغیم

اٹویم ، ائشگیم ، اوجاغیم

طایفام ، اٹلیم ، توافغیم

امیدیم سندهدیر

آرزومدا سن سن

ایستکلی سئوگیلیم

آغ بیرچک آنام

بسله ره عشقینی

سینه مده وطن

هرداشین تانیشدیر

قومون ، تورپاغین

آغا جدا تیترهین

هربیر یارپاغین

سینه نده قاینایان

سرین چشمه لر

سولاری قانیمدیر

قوملاری گوزوم

حسنونه والهم

ای وطن ٺوزوم
 عاشقین سازینا
 دگنده مضراب
 بو یا نارقلبیمی
 ائیلہ بیرکباب
 آزالیر بیرقوش تک
 قالخام گویلره
 اورادان سویلهیم
 بوتون دنیا یا
 وطنین سئومه یین
 هئج انسان دگیل
 او وحشی حیواندیر
 کوچری قوشدور
 سعدی یه خوش گلر (۱)
 غریب ٺولکه لر
 وطن ده آج ٺولمک
 بیرافتخاردیر
 کوچری قوش دگیلم
 گویرچینم من

۱- سعدیا حب وطن گرچه حدیثی است قدیم
 نتوان مردبسختی که من آنجا زادم

ئوز يووام عزيزدير
منه هريئردەن
اوخ دگسه باغريما
باتسام قانيما
عزيز وطن تورپاغيما
سريلمەمى ، چوخ سئويرەم
وطنيمدير يووام منيم
" ائليم ، گونوم ، اوبام منيم "

دورنالار

xxxxxxxxxxxxxxxx

آيا غيني يئردەن ئوزوب
قاطاريني صفە دوزوب
قايق تەك گويلردە ئوزوب
ھاراگئديرسيژ دورنالار ؟

صفلرينيز سان كي پيكان
گئديشينيز گوزل جيران
با غلاميسيز عهدوپيمان
ھاراگئديرسيژ دورنالار ؟

اتحادیز ، قیریلما زدی^ر
قانادلاریز یورولما زدی^ر
صفلرینیز یاریلما زدی^ر
هراگئدی^رسیز دورنالار ؟

نه دندی^ر بو قال مقالیز
اولماسین هئچوقت ملالیز
قوی آرتسین شاء نیز ، جلالیز
هراگئدی^رسیز دورنالار ؟

وارا ولسون ائویز ، اوجاغیز
او بیرلیگی^ز ، اتفاقیز
وئرین منده ن یارا کاغیز
هراگئدی^رسیز دورنالار ؟

صفلریزه منم وورغون
قوی پوزماسین اونو قوزغون
یوللار سیزی ائتمه ز یورغون
هراگئدی^رسیز دورنالار ؟

شا عرين، دردی

xxxxxxxxxxxxxxxxxxxxxx

ينه درديم تزه‌لندی
باشيما قارلارالندی
ينه او عشق و وفاآتشی سوندو
کوله دوندو
عمر گئددی ، هدراولدو
ديريليك غم ، کدراولدو
ينه او شيلتاق اوشاق
نوجوان اولدو
قوجالدى
او درين آرزوسو ياندى
عمرپيمانه‌سی دولدو
داشار ايندى
غم قالاندى ، قالاق اولدو
سرینیب قیشلاریم قاندالاق اولدو
گونشین رنگی سارالدى
داغا قاچدی
داغی آشدی
غروب اولدو
آزقالیر قاشدا قارالسين

کئجه گلسین
او جوانلیق ، اوجرات
سونه رهک
اولدو کدورت
سوزقالاندی
ورم اولدو
آزقالیر سینه می دلسین
دیله گلسین
ئوره گیم شمع کیمی
یانندی ، قوتاردی
نورونو دویمادی بیرکس
کوزونو گورمه دی کیمسه
قوورولوب سانکی قوورقا
آتیلارکن و دوشرکن
هامی گولدو
طعنه لر قلبیمی دلدی
عشق و دویغوم هامیا
مضحکه اولدو
عشق سوداسینی
مجنون بیلر اما
داشئوره کلر نه بیلر
لذت سودای جنونی

ڀڻه او ڪهنه جراحت تزه لڻدي
 ٻير چيٻان اولدو دٿيلدي
 گيزلي دردلر
 ديله گلدی
 عمر آغا جي گوله گلدی
 مپوه اولدو قدا يئٽيشدی
 يئره دوشدو
 آياق آلتيندا ازيلدی
 او عزيز مپوه هئچ اولدو
 حال واحوالی دگيشدی
 حال دگيشديکجه قال اولدو
 قال چوخالدي ، حال آزا ولدو
 وحقيقت مجاز اولدو
 گونشي آينادا گوردوم
 نه سئوينديم
 کي گونش چيخدي
 قار انليق گئجه گئددی
 بو خيالاته اينانديم
 اودا ، يانديم
 عمر گئچديکده اويانديم
 بيلمه ديم

عمروم نئجه گئچدی

گئجه گلدی

گئجه گئچدی

شاعرم

xxxxxxxxxxxxxxxx

شاعرم

بیلمه‌دیم ، من نهدن یازیم

قانمادیم حسنونو

گوزه‌للیگینی

ایسته‌دیم آی دئییم

او آغ ئوزونه

اعتراض ائده‌ره‌ک

آی منه دئدی :

" آلدانما ای شاعر

اننیک دی ، کیرشان "

کیرپیگینا یسته‌دیم

سوپله یم پیکان

قاشلارین ، قاش آتدی

صنعی دیر اونلار

خلاصه مصنوعی گوزه‌للیگینی

بیلمه‌دیم

من نه يه اوخاډيم آنجا ق

بیرگونه بازاردا

بیردسته چیچک

نه قدر سئوملی

نه قدر گویچک

سکوتلا چا غیریردی

منی یا نینا

یا ناشدیم نه گوردوم ،

ها میسی مصنوعی

ها می پلاستیک

شا عرم

نه یازیم بو گولدهن

دئدیم

شا عرین الهامین

جوشدوران دگیل

حیرتده چیرپیندی

بو یانار کونلوم

هریانا باخیرام

هر شئی پلاستیک

دلبرین کیرپیگی

زولفو پلاستیک

شاعرين الها مي
 سوزوپلاستیک
 قورخما دئه شاعرين
 ئوزوپلاستیک
 ديريلیک کولگه دير
 يالانچی کولگه
 شاعرم
 نه يازيم بو بوش حياتدان
 ال آتسام ياريمين زولفونه دوشر
 حسنونو بير يا غيش
 يوب آپارار
 نه فرهاد تا پيلار
 نه ده کی شیرين
 هاردا دير قوچ نبی
 قوچاق هجری
 شاعرين الها مين
 جوشدورا بيلسين
 شاعرم
 بيلمه ديم من نه دهن يازيم
 شعريمين دفتری
 جيريلدی ايتدی
 اوکهنه قبردهن

اوت ، علف بیتدی

آخسادی قلمیم

چولاق یابی تک

بیلمه دیم نه یازیم

یانه دهن یازیم

گیزلی یارا

xxxxxxxxxxxxxxxxxxxx

ئوره گیمده بیر یارا وار بیرکیمسه یه آچانمیرام

درداودونا یانیرام من هئج بیر یانا قاچانمیرام

گونش دیسه آرزولاریم قارانیلیغا ساچانمیرام

ریشه سالیب ئوره گیمده محبتین آتانه میرام

فرقتینه یوخدورتا بيم درده چاراتا پانمیرام

گوزه ل ! گوزه ل گوزلرینین وورولموشام قاراسینا

بیرباخیشین مرهم اولار ئوره گیمین یاراسینا

غم غصه لر ئولدورورو ، گیر قانیمین آراسینا

قارانیقلار بوغورمنی ، گئجه اوزون یاتانه میرام

ئوره گیمده بیر یارا وار بیرکیمسه یه آچانمیرام

باغریمی غم اوخ تک دلیر گیزلی دردییم دیله کلمز

سئفیل شئر تک باغیرسام دا سسیم نچون ائله کلمز ؟

آغاچ دڭسه كونلوم سولوب داها بيرده گوله گلمز
محبتين ريشه ساليب چيخارديبان آتانه ميران
ئوره گيمده بيرياراوار بيركيمسهيه آچانه ميران

چشمه لـر

xxxxxxxxxxxxxxxxxxxx

دا غلارين باشيندا ن آخيشيب گلن
دا شلارين با غريني پولادتك ده لن
آينا تك پارلايان، كهليك تك گولن
سوزولوب گئديرسي ز ها را چشمه لـر
بیرسلام سويله يين يا را چشمه لـر

سولاريز بول اولسون آخسين هريانا
كووشنه ، اكينه ، چوله ، بستانا
ياتا غيز يئراولسون دلي جيرانا
گتيرين با غلاري بارا چشمه لـر
سنبلون زولفونو دارا چشمه لـر

سولاريز آخاركن زمزمه سينده
حيرته ، شيرام ، قاليرام منده
سوروشوب گئديرسي ز با غدا چمنده
وورورسوز قلبيمه يا را چشمه لـر
گتيردي ز عاشقي زارا چشمه لـر

يېغىشىب بىر يئره آراز اولاندا
يوگوروب دنيزه سئل تىك دولاندا
قدرتيز دنيزى فكه سالاندا
دنيزى چكىرسيز دارا چشمه لىر
بوغولور سوووزدا سارا چشمه لىر

ئوره ك

xxxxxxxxxxxx

ئوره ك جوشور

مگر يوشور؟

ما ھنى قوشور

گاه دوستونا ، گاه يارينى

ئوز ائلىنه ، ديارينى

ئوره ك دالىر

سازين آلىر

نغمه چالىر

بلبل كىمى گلزارينى

دوزور يارين آزارينى

ئوره ك قانىر

اودا يانىر

وقىقانىر

گوزدگمه سين نكارينى

آلا گوزون خمارینا

ئورهک یاتیر

غمه باتیر

عشوه ساتیر

آل گونشلی بهارینا

بلیبلونه ، هزارینا

ئورهک یاسدان

کور ، آراسدان

آچیردستان

کورا و غلوتک سوارینا

ستارکیمی سردارینا

ئورهک سونمور

هئچوقت دونمور

ئوزو چونمور

منتظر دیر دلدارینا

یئته بیرگون دیدارینا

ئورهک اوجاق

اود ، توتا جاق

هی یانا جاق

خزان اولموش بهارینا

كىم چا تا جاق ھا را يينا

ئورەك با خار

شىمشك شا خار

اودا يا خار

كىم توخونسا وقارينى

او ياندىرار شرارينى

ئورەك يا زدير

عمرو آ زدير

سينىق سا زدير

باخ قيرىلمىش تارلارينا

داغ باشى تىك قارلارينا

يورولمورام

xxxxxxxxxxxxxxxxxxxx

گوزەل سنى سئىر ائتمكدهن ھىچ بىر زمان يورولمورام

بىلبىل كىمى قفسا يچرە ائدسىم فغان يورولمورام

دلىر باغرىم نئىشتركىمى قارا ھجران يورولمورام

امىدىم وار چا تام سىم جان جانان يورولمورام

اوزون گئجه ، قاراگئجه ، فکرين باشدان آتانهيرام
گوزوم گويده اولدوزساييريوخ قراريم ياتانهيرام
سايه اولدوم دالينجا من امانه چاتانهيرام
هي سوروشوب آختاريرام سندن نشان يورولمورام

ئورهک وئرير اמידمنه چاتام بيرگون وصالينا
سن باخاسان چيچکلره منده اوگول جمالينا
آي گويلرده گزيشنده واله اولام هلالينا
اوزون گئجه دردهجران اولور يامان يورولمورام

آرزولاريم آرازکيمي هي بورولوب آخيرگئدير
گئچن گونلر خاطريمده شيمشک کيمي چاخير گئدير
خزان اولموش گلستانا يار اوزاقدان باخير گئدير
گنج ياشلاريم بير گول کيمي اولدوخزان يورولمورام

دوز عشقيم وار، ديلگيم وار، يورولمايان ئورهگيم وار
عشقه صادق بير عاشقم صاف آرزوم وارديلگيم وار
داغ يارارام فرهادکيمي چوخ زحمتيم، امگيم وار
يورولموشام صاف ئورهکله قاشي کمان يورولمورام

من دنيا دا اولماياندا

xx

بوشعر بير آذربايجان ماهني سيندان الهام آلينيبه
قوي گلهجک يازيچي وشاعرلريميز شاد دنيا وشاد
حيات باره سينده يازسينلار .

من دنیا دا اولمایاندا سانما دنیا دایاناجاق
چای چشمه لرقورویا جاق، گوللر، آغلاریاناجاق
عاشق عباس گولگزینی، نبی هجرین دانا جاق
یوخ قارداشیم دنیا یینه آل یاشیلدان دون گئیجهک
منیم تاییم بیرشا عرده ئوزا ئلینه شعر دئیجهک

من دنیا دا اولمایاندا سانما گوللر آچمایا جاق
گونش قالیب بولوت آتدا داها ایشیق ساچمایا جاق
نشانی قیز سئوگیلی سی قاباغینا قاچمایا جاق
اینجه بئله قاین آتالار یینه ده شال سربیهک
منیم تاییم بیرشا عرده او توپلار شعر دئیجهک

من دنیا دا اولمایاندا سانما دنیا طوفان اولار
چن بورویه ریئر ئوزونو، داغلار، چوللر دومان اولار
بوزبا غلایار آخار سولار قارلی، بوزلو زمان اولار
یوخ قارداشیم بهار وختی قارلار، بوزلار اربیهک
منیم تاییم بیرشا عرده شن بهار شعر دئیجهک

من دنیا دا اولمایاندا سانما گوزلر گورمویهک
ساری سنبل ایپک تئلین دارا غلاییب هورمویهک
چوبان ایتی قودوز قوردو ایزله ینده هورمویهک
یوخ قارداشیم ایت هورهک، تئل هورهک گوزگورهک
منیم تاییم بیرشا عرده ئوز یوردونا شعر دئیجهک

من دنیا دا اولما یاندا سانما چوبان نی چالما سین
 قوچ کورا وغلو ، دلیلری ، بزرگان ئوستون آلماسین
 قورو گلون آغ قازلاری ، ماوی گویده دولانماسین
 حیدربا باشهریاری ، انتظارلا گوزله یه جک
 منیم تاییم بیرشا عرده شهریا راشعردئییه جک
 گوی قورشاغی بزه یینده خشکنا بین دره سینی
 شهریا ردا سیرا ئده جک چیل کهلیگین فره سینی
 شهریار گورهن اووچو ترک ائده جک بره سینی
 قیزگلینلر ناققیش اوچون قیزیل پالچیقلا رازه جک
 منیم تاییم بیرشا عرده ناققیشلارا شعرده ئیه جک

ارک قالاسی

xxxxxxxxxxxxxxxxxxxx

بومنظومه نی ئولومو مسخره ائده ن قهرمانلارا ،
 ئوز خلقی و وطنی ایچون گوله - گوله ئولوم پئیشوا زینا
 گئده نلره تقدیم ائدیره م .

آخشا مدیر

قارانلیق یا غیری گویده ن

غرق اولموش گمی یه

بنزه بیر شهر

جومور وظلمته

او ، یا واش - یا واش

قارائلیق ایچینده
قووزا ییب باشین
اوجالیب گویلره
غرورلا دوروب
ان گوزل آبدده
اوارک قالاسی
ئوستونده گزیشیر
قارتال بالاسی
ایلردیر بولوتلار
اوپهر باشینی
یاغدیرار باشینا
او گوزیا شینی
داغلاری قار-یاغیش
یووب آپاریر
داشلارین داغیدیر
یادا قوپاریر
بویئرده وارایدی
چوخ ، محکم قالا
ایندیسه اونلاردان
قالما ییب نشان
هاردادیر شام غازان ؟
یا رشیدیّه ؟
هامیسین زمانه

پوچا چىخارىب
با سغىندان طوفاندا ن
ياغىشدا ن يئلدهن
فیرتانا قوپاران
او ، داشغین سئلدهن
قورویوب ئوزونو
قورتا ریب جانین
تبریزین آرمی دیر ،
آذربایجانین

x x x

هریانین دلیبسه
توپ گولله لری
ینه ده محکم دیر
اوجا دیر باشی
قانیله بویانیب
هر قومو ، داشی
داغ کیمی دایانیب
محکم یئرینده
تاریخین کتابی
آچیق ئونونده
تاریخین شاهدی
تاریخین ئوزو
خیلی وقت گورموشدور

او ، شاهین گوزو
باسغینچی دشمنی
سرت هجوملاری
عثمانلی عسکری
تزارسالدا تی
ووروبدور جانینا
چوخلو یارالار
دیل آچسا سویله ییر
نه لر گورموشدور
قایریلیب قورتاران
گونلرده نبری
قارشیندا گورموشدور
چوخ جنایتی
گورموشدور ائلیمین
فتحین ، ظفرین
شادلیغین ، غمه سین
غمین ، کدرین
گورموشدور ستارخان
اونون باشیندان
دشمنه شدتلی
آتش آچما سین

هرگولله هدفه
دگدیگی زمان
ارک ده سویله میش
یا شا ستارخان
ایرانی توتاندا
قارا استبداد
ارکین باشیندان
غرورلا اسدی
آزادلیق بایراغی
مشروطه آرمی
بعضا " ده سیخیلیر
ارکین ئوره گی
دوشنده یادینا
دشمن آیاغی
دگمیشدیر داشینا
قالخمیش باشینا
اورادا قورموشدور
دار آغا جلاری
گوسترسین خلقیمه
قارا قدرتین

xxxxxxxx

دوشونوب دالیرام

۱۰ رک کیمی منده

جا نلانیئر گوزومده

" قوجاق مشمد (۱)

۱۰ رکین با شیندا

بیردا را آغا جی

مشمد دور موشدور

قوللاری با غلی

سا غیندا - سولوندا

تزارسا لدا تی

مبارز بیرا نسا ن

وطنين سئوہ ن

۱. ئىلىنى قورويان

دشمنین دوگن

آزادلیق یولوندا

بیویوک مجا هد

محکوم دور ئولومہ

۱۰ رکین با شیندا

XX

۱- مشہدی محمد عمو اوغلی اسکولی مشروطہ مبارزلریندن
بیری ایدی • شرح حالی ایچون ۱۸ سالہ تاریخین ۳۷۱ -
۳۷۰ صفحہ لرینہ - ۱۹۴ نجو - ۲۶۵ نجی ۲۶۹ نجو صفحہ لرہ
همان کتابدان مراجعه ائدین •

سویونور پالتارین

اگنینه فقط

بیر بورکی قالیری

بیرده تومانی

غرورلا قالخیری

چارپایا ئوسته

یاشاسین آزادلیق

مشروطه دئییه

غضبله باخیری

روس ضابطینه

بورکونو چیخاریب

ضابطه وورور

آسلانیر طنابدان

او گوزهل انسان

اونداکی جسارت

وبویوک ئورهک

چاشدیریر دشمنی

حیرته سالیر

دشمنین من لیگین

الیندهن آلیر

یاشاسین قهرمان

سویله ینده ارک

اونونلا همصدا
اولورو ، فلک
تاریخده آچیلیر
ینی صحیفه
مشممدموغلو
ائل مجاهدی
آزادلیق عسکری
بیر تمیز انسان
دوستلاری بیلیردی
دشمنی یازمیش
حیاتدا اویمادی
منصبه ، مالا
سادهجه یاشادی
قهرمان ئولدو
x x x x x
یننده دورموشام
باخیرام ارکه
گوزلریم ئونونده
باشقا منظره
آسیلمیش یننده
بیر آیری انسان
ارمنی وطنداش

آدی " پطروس خان " (۱)

تزاری محکمه

وئرمیشدیر جزا

گرکدیر آسلسین

ارک اوسته دارا

طنابدا فیرلانان

جانسیز جنازه

ظن ائتمه بیر یازیق

السیز - آیا قسیز

ساده جه آدام میش

هئج بئله دگیل

اودا بیر قهرمان

بیر بویوک انسان

ئولومده ن قورخما یان

ئولومه گولن

خلقینین دردینی

غمینی بیلن

۱- پطروس خان ملک اندرسیان تبریزین موجونبار
کندینده ن ایدی . اورشت و تبریزده آزادلیق یولوندا
چالیشمیشدی ۱۲۹۰ نجی ایلده شجاع الدوله ایله
ووروشموشدوره تزار روشلاری طرفینده ن ارکین باشیندا
دارا چکیلدی . ۱۸ ساله تاریخ صفحه ۳۵۸-۳۵۹-۳۶۰-
۳۶۱- ۳۶۷ یه مراجعه ائدین .

وطن چون مردلیکله

مردانه ئولن

مشروطه سربازی

آزادلیق سئوه

ئولومو مضحکه

سایان انساندیر

ایندیسه یازارام

اونون داستانین

xxxxxxxx

کشیش دیر دایانمیش

ئونونده اونون

ایسته ییر قهرمان

وصیت ائده

تیتره ییر کشیشین

الی ، قلمی

تبسم ائده رک

پطروسخان اونا

آقاجان - دئییری

" منی ئولدورورلر

بس سنین الین

نه ایچون تیتره ییر؟

قلمی توتمور؟ "

کشیده ن قلمی
آلراق یا زیر:
" حامله آروادیم
قیزدوغا ، اوغلان
آدینی قویا رسیز

ورژ
یعنی انتقام
وقارلا قهرمان
چارپا یا ئوسته
قالخاراق سویله ییر
یا شا مشروطه
یا شاسین وطنیم
یا شاسین ائلیم
بیزیمدیر گله جک
اینا میم واردیر
قان ایچن جلادا
بودنیا داردیر
بو تورپاق، بوئولکه
آزاد دیاردیر
طنفی بوینونا
سالیری اصلان
الوداع دئیهرهک
آسیلان زمان

طنف قيريليري
دوشورو يئره
تبسم ائده رهك
جلادا باخير
دوباره چارپايا
ئوستونه قالخير
" دوگون وورطنفه "

جلادا دئير
ينه ده آسلانير
طنف قيريلير
اوچونجو دفعه ده
قهرمان ئولور
او اركين داش قلوبين
مين يئره بولور
تك دگيل پطروسخان
نده مشمد
اونلارجا قهرمان
اركين باشيندا
نامردلر اليه
چكيلميش دارا
اركين ده قلوبينه
وورولموش يارا

او وقتدهن سيزلايير

بو ارک قالاسی

x x x x

اورادا گزیشیر

بیرنفر قادین

حیف کی بیلمه دیم

من اونون آدین

ظاهرا " سکوتدا

ثوره گین آچسان

زبانہ چکه جک

سانکی بیر وولگان

جهنم یانیری

کوکسونده اونون

گوزوندهن سیچراییر

نفرت آتشی

امان دیر دگمه یین

دگسه نیز اونا

ولگان تک اود وورار

بوتون جهاننا

ظاهرده آراز تک

ساکت دیر اما

تکینده لپه لر

جوشور ، چالخاشير
گوزلری دولانير
ئوره گى يا نير
قورويوب گوزيا شى
هرله نير باشى
او قادين پطروسون
حيات يولدا شى
گلميشدير سون وداغ
سون گوروشمه گه
حيف كى او گویده
بو يئرده قاليب
پطروسون دوره سين
دشمنلر آليب
باسغينچى دشمندير
چركين عملی
يىخیلار بيليره م
بیرگون تملی
دا شینی قويما زلار
داش ئوسته قالا
نیسگیللی بیر قادین
گورموش نه جفا
جلادین آخیدان

بو قان سئلری

آپا رار بیر زمان

یا دا ئللی لری

x x x x

ظن ائتمه ساده جه

کرپیجده ن داشدان

قایرلیب دورورو

بوارک قالاسی

او ائلین وقاری

ائلین غروری

او ائلین غیرتی

کسگین همتی

یا دا ئللی دشمنه

نفرت تایاسی

x x x

مشممده ، پطروسخان

میرکریم بزاز

علیشاه ، زینالخان

یوزباشی احمد

مش احمد چوره کچی

بیرنمونه دیر

ائلیمده ن سینمایان

بویوک جرائته

عرب لر ، مغول لار

تزار ، عثمانلی

اسکندر سیندیران

آذربایجانلی

دشمنه اگیلمز

اگیلمیه جک

فروردین ۱۳۴۵

عاشق دوستوم

xxxxxxxxxxxxxxxxxxxx

عاشق دوستوم چوخ گورموشم سازیندا من ثوره گیمی
سازسیمی تک تیترهک سسله سوزو ، یارادئمه گیمی
سازسی ایلہ قانادلانان آرزولاری دیله گیمی
شن نغمه چال دیله گل سین سازیندا تئللراوینا سین
یانیق کرم چالاندا سن روحوم دونور ثورهک یانیر
روحانی نین نواسیندا اویور فکریم قانادلانیر
مضرب دگنده سازینا قلبیم وورمور قان دایانیر
عاشق دوستوم چال سازینی شوخ ممه ، بئللراوینا سین
کورا وغلودان سوز آچاندا پاشالار ، خانلار قاچاندا
عاشق عباس گولگزینین تئللرینه گول ساچاندا
عاشق امراه سرونازا عشقدهن داستان آچاندا
چال بلبل لر اوخوسونلار ، آغاجدا گوللر اوینا سین

سأه اسماعیل، عرب زنگی، چال سازینی توتا جنگی

گلزارخانم گلستان تک گونش لردن آلا رنگی

ایگیت اوغول بودنیادا گوزله مهلی نام وننگی

چال قاراساچ رقصه گلیب زلفلر، تئللراویناسین

گوزهل لمه چالانداسن رقصه گلر گوز-اللی

آل انعامین تعریفله سن شیرین دیللی گوزهللی

قاراگوزه، کمان قاشا، یازشعرلری، غزللری

چال اینجه بئل سوزوله رهک آغ بیلک، اللراویناسین

عاشق دوستوم بیرنغمه قوش عاشقلارین سالارینا

قوروگولون آغ قانادلی، یاشیل باشلی قازلارینا

یوردوموزون طراوتلی، گول - چیچکلی یازلارینا

چال زمی لر رقصه گلسین، یاما جلار، چوللراویناسین

چال سازینی زمی لرده، لپهلنسن ساری سنبل

باغلاریمیز چیچکلنسن، چهچه وورسون شیدا بلبل

چشمه لرین سرین سووو چایلاریندا ائتسیغ غلغل

بولوت گلسین، یاغیش یاغسین دره ده سئللراویناسین

قارداشیم توی توتاندا، چال سازیمی، آج سوزونو

گوزهل سسله تعریف ائله، بیگ، گلینین قاش گوزونو

قربان کسک قدمینه، طشته ئوزه رلیک کوزونو

چال سازینی قوهوم، قارداش، تانیشلار ائللراویناسین

آنا

xxxxxxxxxxxxxxxx

اولسايديم اگربيرهكل تراش
مرمردهن يونا ردیم هيكلين سنین
مین سروین قدینین استقامتین
خلاصه ائدهردیم رعنا قدینه
دنیا نین ما رالین بیریره بیغیب
باخیشین وئرهردیم باخیشلارینا
آرشین کمانین امانت آلیب
قاشلارین یایی نی اونا اوخشادام
کیرپیگین آرشین اوخوتک آتام
عشقیمین سرحدین معین ائدهم
قیزیل گول آچاندا اونون رنگینی
وئرهردیم ، ئوزونه ، دوداقلارینا
دنیا نین ان گوزهل ، گوزه للیگینی
سپهردیم یولونا ، آياقلارینا
قارالیق رنگینی گئجهدهن آلیب
بویا ردیم آغا رمیش سا چلارین سنین
دنیا نین ان گوزهل دویغولارینی
وئرهردیم کونلونه ، کوورهک قلبینه
داغلارین عطرلی ، لطیف هواسین

وئره ردیم چکدیگین نفسلرینه
قوشلارین فسونکار ، شن نغمه لرین
وئره ردیم دئدیگین لایلا سسینه
پولاد تک سینه ده ، بلور ئوره گین
توکنمز شفقتین حقینده اگر
یا زیلیب مین کتاب ، مینلرجه داستان
وصفینی ئوده مز ، شاء نینه لایق
واردیسا بیرکلمه ، اودا " آنا " دیر

جیران

xxxxxxxxxxxxx

بودا غلاردا قاچان جیران
توتوخ قلبیم آچان جیران
سن گلرسن هاچان جیران
توراج کیمی اوچان جیران
جیران کیمی قاچان جیران

بودا غلارین دره سینی
اوجا دا شلار سره سینی
اووچو کسب بره سینی
توراج کیمی اوچان جیران
جیران کیمی قاچان جیران

قوجا اووچو سنی ایزلهر
گوزله، تورلارسنی گوزلهر
اود قیزاریب دوشوب کوزلر
توراج کیمی اوچان جیران
جیران کیمی قاچان جیران

داغلارین اووو، مارالی
اولماسین دردلی، یارالی
یئنتیم قوزو تنز سارالی
توراج کیمی اوچان جیران
جیران کیمی قاچان جیران

سهند اولموش سنه مکان
حیدربابا، هم ساوالان
بوداغلاردا، چیخ هاوالان
توراج کیمی اوچان جیران
جیران کیمی قاچان جیران

قورو ئوزون گولله دگر
گولله دگر، کوکسون دگر
یئنتیم قوزون سئفیل مه لر
توراج کیمی اوچان جیران
جیران کیمی قاچان جیران

خا طره لر

xxxxxxxxxxxxxxxxxxxx

بو شهرین
کوچه لرین ها میسینی
من تا نیرام
کوچه لرده ن بیرسیله
قاپی - قاپی
قاریش - قاریش
من تا نیشام
قاپیلاردا یاشایانلار
اوگون منه
تانیش ایدی
بوکوچه نین
وسطی ایله
آخیب گئده ن
بولانلیق سو
ایندی منیم داماریمدا
قان شکلینده
آخیرگئدیر
کیچیک آرخین
کناریندا

يا شيل سويوت آغا جلاری

بیرجه - بیرجه

تانیش ایدی

اوگون منله

سويوتلرده

وئز یلداشان

قیزیل - یاشیل

وئز-وئزالار

سازچالاردی

یای چاغیندا

آراییرام

آختاریرام

تاپانمیرام

قاریش - قاریش

تانیدیغیم

کوچه ایندی

دگیشیبدی

قاپی لارین

چوخنو من

ایندی داها

تانیمیرام

قاپی لاردان

ا و بويلانان
قارا گوزلو
چيچك ئوزلو
گوزەل قيزلار
داھا يوخدور
آخشام چاغى
قووال چالان
سس - كوو سالان
كهليك كيمي
قا قىلداشان
اوشن قيزلار
ھاراگئددى ؟
گاھ گئچيرەم
بوكوچە دەن
قووال سسين
اوقيزلارين
شن نغمە سين
داھا ھئچوقت
ائشيدميرەم
آختاريرام
آراييرام
گوزوم سيزين

دالیزجا دیر
قای لاردان
باخان قیزلار
قاش - گوزآتان
عشوه ساتان
جیران قیزلار
هارد اولساز
حیات سیزه
شیرین اولسون
قوجا شاعر
سلاملاییر
اوزاقلاردان
سیزی قیزلار
x x x
قای لارین
بیرچوخوندان
چیخان چئویک
جوان اوغلان
منیم اویون
یولداشلاریم
سیزها ردا سیز ؟
حالیزخوشدور ؟
نه ائدیرسیز ؟

چوخ آختاردیم

کوچه میزده

اما سیزی تا پانمادیم

حیات کمان

سیزی اوخ تک

هربیریزی

بیرطرفه

آتیب گئددی

سیزکونلومده

یا شایرسیز

یا ئولوسوز

یادییری سیز

هرگون سیزله

کوچه میزده

من اوینورام

اوزمان تک

حیاتیمدا

خاطره لر

حدسیز- سایی سیز

حساب سیزدیر

ان شیرینی

ان دادلی سی

اوکوچه ده

سيزينله دير

حيات سيزى قوى يورما سين

منيم اويون يولدا شلاريم

سلامليرام

هرهاردا سيز

هرگلنده شهرميميزه

کوچه لرده ن

قاپى لاردان

منتظرم

سيزچيخا سيز

سيزگئچه سيز

اما سيزده ن

خبريوخدور

ايندى ليکده

کوچه ميزده

او هله

اويغينجا

داغ بحث لر

داها يوخدور

قاپى لاردان

چيخانلار ، دا

نه آشنا
ونه دوست دور
کوچه میزین
وسطینده
او آرخیو خدور
اوردا آخان
بولانلیق سو
هئج بیلمیره م
ها را آخیر
یا شیل سویوت
آغا جلارین
هئج بیلمیره م
کیم کسب دیر
دوردوم بیرگون
قایمیزدا
گوزله دیم کی
چیخام اوردان
هی گوزله دیم
با غلی قاپی
آچیلما دی
قاریش - قاریش
کوچه میزی

هي آرا ديم
هي آختا رديم
من ئوزومو
تا پا نما ديم
او كوچه ده
ايتيره يگيم
گنج يا شلاريم
هئج بيلمه ديم
ها ردا دوشموش
ها ردا قالميش
فكرا ئديره م
بولانليق سو
يوووب ، سيليب ، آپا ر ميشدير
كوچه ميزين
وسطينده
آرخ ايچينده
قويلانميشدير
سويوت كسن
اونوكسميش
دوغرا ميشدير
وئز- وئزا تك
قانا دلانيب

ا وچوب گئدیب

ها را لارا

هربیریئره

باش چکیره م

کوچه میزده

آختاریرام

گنج یا شیمی

تا پانمیرام

هی سسله دیم

هی چا غیردیم

دوستلاریمدان

نه سس گلدی

نه بیر سمیر

کوچه میزده

حسرتیله

قای لارا

باخا - باخا

هی دولاندیم

هئچ بیر قایی آچیلما دی

نه قیز چیخیب

منه گولسون

قاش گوز آتسین

نه بیر اوغلان
منله باهم
چوله گئدسین
صحت ائدسین
ها می گئدیب
کیمسه قالمیر
بوکوچه ده
ها می یاددیر
اوردا منی
تانیما زلار
تانیش وارسا
دیوارلاردیر
دیوارلارین
داشلاری دیر
هی گزیره م
آراییرام
شهریمیزین
کوچه لرین
دربندلرین
قاپی - قاپی
ها می سیندان
سوروشورام

نشان وئرمير

كىمسه منه

ايتگين گئده ن

گنج يا شيمدان

بوننان بئله

ايچرىمده

ينه قاينير

قازان كيمي

كوچه ميزين

خاطره سي

دا غلار

xxxxxxxxxxxx

قارتال تك چيخميشام ينه باشيزا

ايستيره م يادگار يازام داشيزا

سيرا ئده م عمروزه ، اوزون ياشيزا

نه زمان گلميشيز جهان دا غلار

يورانماز سيزلري زمان دا غلار

متانت سيزده دير ، دوروشوق ، وقار

شاعرلر ائيله يير سيزه افتخار

باشيزا بولوتدان توکولنده قار

سويوتدان گلمه سيز فغان دا غلار

يئل چالسا باشيزدا چغان دا غلار

قار، دومان ائيله مز سيزلره اثر
طوفانلار قووزانار باشيزدا اسر
من دئيم شرحيني يازيم مختصر
وقاريز اولوبدور فسانه داغلار
گلميري شهرتيز بيانه داغلار

چشمه لر آخيشيب گلنده ديله
عاشقم سيزده كي چيچكه، گوله
دنيا ني يانديرار، دونده ره ر كوله
ولكانلار چكنده زبانه داغلار
اود سئلين ائيله يير روانه داغلار *

وئريب سيزباش - باشا سانكي بير كاروان
يوكله نيپ دوه لر، اطلس پرنيا ن
بيريانيز خزردير، بيريانيز عمان
يوخ سيزه هئچ زمان كرانه داغلار
وورغونام سيزكيمي مكانه داغلار

فرق ائتمز ميشوودور، سهند، ساوالان
بولوتلار باشيندا ائيله يير جولان
داشلاريز اينجي دير، قوملاريز مرجان
اولموسوز دنيا دا يگانه داغلار
دوژموسوز ياخشيا، يامانه داغلار

امیدتک یوکسک سیز ، آرزوتک اوجا
دنیا تک قدیم سیز ، خلقت تک قوجا
عاشق لار سوز قوشارسیزله بهجا
خلقتده نقالمیسینشانه دا غلار
باشاگمز یا غیا ، طوفانه دا غلار

دایانیب دا غلارا چیچکلی با غلار
دا غلارین بولوتو با غلارا آ غلار
قار یا غار دا غلارین با غرینی دا غلار
سحردير وئر قولاق اذانه دا غلار
شیمشک لر ووراندا کمانه دا غلار

نرگس لر قوینوزدا دورار یوخودان
ایپک لراگیره ن، اطلس توخودان
هرچیچک مین جوره عطر قوخودان
لاله نیز بنزه ییر جانانه دا غلار
نه گوزه ل یوردا ولوب چوبانه دا غلار

قویونلار اوتلایار ، قوزولار مه لر
نی سسین دینله یین کهلیکلر گولر
ژاله لر هر سحر گوله سپه لر
شبنم ده ن دولدورار پیمانه دا غلار
نرگس ده ساچ هوره ر ریحانه دا غلار

قونشوقيز

xxxxxxxxxxxxxxxx

قونشوموزدا بىر قىز واردير
گولر ئوزلو، شوخ نگاردير
اونوسئوھن بختياردير
پنجره نى آچىر هرگون
منده اونون خاطرى ايچون
ياپنا شىرام پنجره يه
من بوياندا
او، اوياندا
اليم اونا چاتا بىلمىر
عشقين ئوره ك آتا بىلمىر
ائولرىمىز ئوز- ئوزه دير
آرامىزدا بىر كوچه دير
كوچه دئمه بىر دره دير
بىردنيز دير
آرامىزدا قافداغى دير
او آچاندا پنجره نى
اوگئى نهم قوي موربا خام
قاباق اردن بىر قىزى وار
اننىك وورور
كىر شانلىير

اونی مننه نشانلییر
 من او قیزی ایسته میره
 محبتین بسله میره
 سوزو یالان
 گوزو کژدیر
 ئوزو لژدیر
 قونشوقیزا وورولموشام
 چوخ باخماقدان یورولموشام
 او ، اویاندا
 من بویاندا
 هی باخیریق - هی باخیریق
 عشق اودیله اودلانیریق
 پنجره میز ئوز- ئوزه دیر
 آرامیزدا
 بیرکوچه دیر

سپاهی قیزا

xxxxxxxxxxxxxxxxxxxx

هر شرائط ده شریف انسان، انسانلارین دردینی د
 بیلر، و ائل یاراسینا مرهم اولو بیلره اجبارلا
 گونده ریلیمیش سپاهی قیزلارین چوخو، ئوز وجدانلا
 ئوزه ریله سوادسیز کند قیزلارینی سوادلان دیرماغا
 آتمیشلاره بوشعر، بئله بیر قیزا خطاب دیره

با سمالیقلار ئوزه رینده
 کندین پالچیق کوچه سینده
 گئییب سربا زپالتارینی
 جوان قیزدیر
 آددیملا بیر مدرسه یه
 اورد اونیگوزله ییری
 ایلربویو یاپا یان
 آلاخ ووران
 چولده یانان
 کندلی قیز
 سرباز باجیم
 سارسیلما یان اراده یله
 چایدا آخان لهلی سودا
 یاپا یان
 الیری یو
 اولله
 وئر قلمی
 وئر کاغذی
 اوگرد اونا
 درس - یازی
 اوگرد اونا

آنا - وطن

سوزلرينى

قوى آنلاسين

وطن واردير

وطن سئوھن بختيا ردیر

هرکیمین کی یوخ وطنی

گئنیش دنیا

اونا داردیر

نبی

xxxxxxxxxxxxx

گئده ر بوقیش

گلربهار

آل گونش تک ایشیقلا نارا

بیزیم ئولکه

بیزیم دیار

قاچاق نبی ، هجريله

ینه قالخار آت بئلینه

بوز آت گئچرهر بیر آتی

نبی ده لر قازا ماتی

نبی نین یوخ مال - منالی

آتی نین وار

گوموش نالی

نبی دايم بوغون انشر
 پاپا غینى گولله دئشر
 نبی سایماز بیگی ، خانى
 نه ناچالنيك ، نه پاشانى
 لاپ اولسون ،
 اوروس زندانى
 نبی ده لر ، آچار ، قاچار
 نبی سئوهر ئوز وطنين
 ئولكه سينين شن سحرين
 آلاگوزلو قوچ هجرين

۱۳۳۰

ایشله مهین ، دیشله مز

xxxxxxxxxxxxxxxxxxxxxxxxxxxx

گئچمیش زمان دئییردی لر :
 " ایشله مهین دیشله مز "
 ایلر بویو ایشله میشم
 قاربوراندا ، یا غیشدا
 سویوق ، ساختا وقیشدا
 زحمت آغیر بیر یوک اولوب
 دايم منیم بوینومدا
 محروم انسان سجلی وار
 همیشه لیک قوینومدا

چوخ ایشله ییب دیشله مهین

بودنیا دا منم من

سارالمیشام خجالتدهن

آج اوشاغی گورنده

دیلہ توتوب یازیق آنا

ساجلارینی هورنده

عوضینده ایشله مهین

دیشله ییری هرزادی

حرام - حلال بولمه دهن

دوشله ییری هرزادی

بیلمیره م

xxxxxxxxxxxxxxxx

گونشه بنزیسن آیا بیلمیره م

ئوره گین داشدیرمی ، قایا بیلمیره م

عشقدهن هئج زمان دویا بیلمیره م

دردیمی ، غصه می سایا بیلمیره م

زلفلرین خاطرلیر چولده ریحانی

یئریشین گوستریر دلی جیرانی

کوکسومو اوخلایان اوزون مژگانی

کمانا اوخشادیم ، یایا بیلمیره م

ئولكەمىن جىرانى گوزەل نڭارى
حسنوندىن دويورام يازى ، بهارى
بىرلىكدە گل گزەك بو شىن دىياري
ئورەكدەن عشقىنى اوييا بىلمىرەم

قىش چاغى دا غلارا آغلاندا قار
دا غلارېن با غرىنى دا غلاندا قار
طوفانلا يوللارى با غلاندا قار
قىشلارى چئويرەم يايا بىلمىرەم

غم غصە قلىبىمى ھجرىندە چاينار
ئورەگىم قارتال دىر گويلردە اوينار
محبت كوكسومدە چشمەتك قاينار
من سنى گوزومدەن قويا بىلمىرەم

دردىمى آرتىرير قارا گئجەلر
سىنەمە ووروبدور يارا گئجەلر
قارانلىق چكىرى دارا گئجەلر
ظلمتدە بىرآندا اوييا بىلمىرەم

آماندىر رقىبە گوسترمە ئوزون
يادلارا سويلەمە سن ئورەك سوزون
آيناتك پارلايان او آلاگوزون
دنيزە اوخشادىم ، چايا بىلمىرەم

يادلارا باخاندا قيسقانير ئورهك
گوزهلده ، نازيله محبت گرک
تيكانسيز ايستيره م باغدا گول درهك
تيكاني گولومده ن سوييا بيلميره م
آختاريب سئچميشم بوتون جهاندا ن
من سني سئوييره م ئوره كده ن ، جاندا ن
عشقينده چكينمه م قاردا ن طوفاندا ن
نهدندير بوجفا ، دوييا بيلميره م

يا غيش

xxxxxxxxxxx

قطره ياغيشلارسئل اولور ، تك تك انسانلار ائل
اولور ، ائل گوجو ، سئل گوجودوره بوشعري قطره
ياغيشلارا كي سئل اولماق ايسته ييرلر تقديم ائديرم
۱ - آلاو

قارا بولوت
گوي سماده
گمي کيمي
ئوزوب گئدير
بیرگلین دیر
توی دونوندا
قارا نقوش تک
سوزوب گئدير

گاھ گوزونو
سیخیر، آغلیر
یا غیش توکور
طبیعتی جا نلاندیریر
اوت بیتیریر
گول یئتیریر
صفا وئریر
با غا
دا غا
سرین - سرین
یا یلاقلارا
دورنا گوزلو
بولاق اولور
داغ دوشونده
قاینا ییری
آینا کیمی
پارلاییری
بورولاراق
آخیر، گئدیر
x x x
قارابولوت
قانارلانیر

بیرقوش کیمی
یونگول - یونگول
ئوتوب ، گئدیر
گوی گورولدور
شیمشک چا خیر
یا غیش توکور
بیرسئل اولور
یئری سوکور
قطره یا غیش
بیرلشنده
دا غی ییخیر
دره لردن
چوله چیخیر
سئل آتلانیر
چا یلار آخیر
آراز اولور
دنیز اولور
عمان اولور

دنیا میزدا

xxxxxxxxxxxxxxxxxxxx

دنیا میزدا

گوزه للیک وار

چیرکینلیک وار

قارا ، قورخونج

قارانلیق وار

دورو ، ایشیق

گونوزلر وار

گونش واردیر

x x x

دنیا میزدا

جوشوبداشان

محبت وار

کینه واردیر

عداوت وار

صاف قلبلر

آیدین دیلک

قارا داش تک

ئورهک لروار

x x x

دنیا میزدا

درد ده واردیر

درمان دار

آزادیجی

شیطان دار

آدام ووران

ایلان دا وار

x x x

دنیا میزدا

تیکان دا وار

سارما شیق وار

گوزهل لاله

چیچک ده وار

سوسوز کویر

شوردریا وار

سرین بولاغ

یا شیل گوزهل

میوه لی باغ

قیزیل آلما

حنظل ده وار

x x x

دنیا میزدا

آری دا وار

شیرین .. شیرین

بال یارادار

آجی ، زهر

تیکانی وار

x x x

دنيا ميزدا
 علم ده وار
 ايشيق سا چار
 ظلمت قا چار
 ينى ، ينى
 يوللار آچار
 قاناد وئرهر
 انجانلارا
 آيا گئدسين
 مرضلری
 درمان ائدسين
 x x x
 دنيا ميزدا
 جهل ده وار
 وحشی ليک وار
 چوخ ياراماز
 ديريلیک وار
 x x x
 بودنيا ميز
 بيرمحک دير
 صاف قيزيلي،
 قلبی بيلر
 پاک اولما سان

سنه گولر
انسان گرک
انسان اولسون
درده دگسین
آغلار گوزدهن
یا شی سیلسین
یا خشی بیلسین
یا مان بیلسین

x x x x

بوشهرین عنوانی یوخدوره یورغون پئشک نر شهره
ساری گئده جک یورغونلوغون آلاندان سونرا یینه
گئده جک ه او دایانسا کاروان دایانار، قوی ،
یورولمادان گئدسین و مقصده یئتسین ه

گئجه قارار
ظلمت یا غیر
گویده ن یئره
قارانلیق دیر
باشدان - باشا
بیزیم دنیا
گوره بیلیمیر
آیاغ آلتین
قوجا سروان
پئشک نری

قار بوروموش
بوز باغلایان
یوککوش یولدا
بیرعمر دور
سورور، چکیر
x x x
اوزاقلاردا
قوردلار اولور
سروان دونور
ده وه ئوشور
پئشک نرین
قوجا گوزو
قارانلیغی
دلیر، دئشیر
اوزون - اوزاق
بورولاراق
گئدیر یوللار
ایلربویو
قوجا سروان
یورغون کروان
بویوللارین
یولچو سودور

يا غيش يا غسا
قارالْنسه
شاختا بوران
سايماي راق
قوجا سروان
يورولمادان
سورور کروان
شهره ساري
آستا - آستا
آدديملايير
قوجا ، يورغون
پئشك ده وه
بوز با غلاميش
يوككوش يولدا
گاه بودورور
گاه ايره لدير
دايانا راق
نفس آليير
جوانليقدا
دويما ديغي
يوك لر ايندى
بيراداغ كيمي

آ غير لاشميش
 گيزلى آ غير
 بوران كيمي
 ثوره گيني
 گاه دوندارير
 گاه ءوشودور
 ييخيلما سين
 محكم دورور
 بوينون بورور
 داليسينجا
 كلن كروان
 گوزون تيكيب
 پئشك نره
 او دايانسا
 كروان دورار
 سويوق - شاختا
 ائلى قيرار
 پئشك گرک
 دايانما سين
 دنيا يانسا
 او، يانما سين
 پئشك گرک

يورولما سين
آد ديملارين
محكم قويور
يورولسا دا
ايره لله يير
قارى يارير
جيغير آچير
سست لوک گئدير
او حسا ئدير
جوانلاشير
بوينوندا کي
زنگ سسله نير
هوسله نير
باشين قا وزير
او ، وقارلا
گئدير يينه
افتخارلا
مناره دن
ايشيق ساچان
سمته ساري

يا زاجا غام

xxxxxxxxxxxxxxxxxxxx

نه قدركى نفس واردير

كوچه لرده عسس واردير

بلىل واردير، قفس واردير

داستان آچيب يا زاجا غام

وورولدوغوم سونا لاردان

شراب وئره ن قانا لاردان

شفقت لى آنا لاردان

داستان آچيب يا زاجا غام

با غچا لارين گوللرينده ن

آنا وطن چوللرينده ن

اردك ، قازلى گُللرينده ن

داستان آچيب يا زاجا غام

آلا گوزده ن ، كمان قاشدان

سيه تئلده ن اوزون ساچدان

يولدا دوران قارا غاشدان

داستان آچيب يا زاجا غام

بذ دا غینین قالاسیندا ن
چیل کهلیگین بالاسیندا ن
کورا وغلونون نالاسیندا ن
داستان آچیب یازا جا غام

شیرین سولو بولاخلاردا ن
قیزیل آلمانا یاناخلاردا ن
بال سوزولن دوداخلاردا ن
داستان آچیب یازا جا غام

قوچ بابکین دویوشونده ن
معتصم له گوروشونده ن
مخنشین بویوشونده ن
داستان آچیب یازا جا غام

گئجه آزان کاروانلاردا ن
بوزدا دونان ساروانلاردا ن
داغلار یاران وولکانلاردا ن
داستان آچیب یازا جا غام

قاریشقانی ن همتینده ن
ستارخانین جراء تینده ن
مردا ئلیمین قدر تینده ن
داستان آچیب یازا جا غام

با یرام چا غی اسن یئلدهن
دا غلار آشیب گلن سئلدهن
با غلاندیغیم بویوک ائلدهن
داستان آچیب یا زاجا غام

نی یین حزین ناله سیندهن
چوللریمین لاله سیندهن
آی ایشیغی ، هاله سیندهن
داستان آچیب یا زاجا غام

آخار سودان ، شالاهدهن
می له دولو پیالاهدهن
شقایق دهن ، آلالهدهن
داستان آچیب یا زاجا غام

یول ئوستونده تک چناردان
قاراگوزلو شوخ نگاردان
وورولدوغوم گوزهل یاردان
داستان آچیب یا زاجا غام

ساوالاندان ، آغ قاریندان
کورا وغلونون نگاریندان
قوج ائلیمین وقاریندان
داستان آچیب یا زاجا غام

قارا گئجه تكلدوزدان
اوغلو ئولموش اوغولسور
وورولدوغوم گوزهل قيزدان
داستان آچيب يا زاجا غام

گله جگه باخان گوزدهن
شادگولوشدهن، شيرين سوزدهن
كونول اودا ياخان كوزدهن
داستان آچيب يا زاجا غام

گلین لرین آینا سیندان
شيرين آنا لایلا سیندان
مجنونلارین لیلا سیندان
داستان آچيب يا زاجا غام

میشوو داکی گول - چیچکدهن
قوجا آنا، آغ بیرچکدهن
آنلادیغیم دوز، گرچکدهن
داستان آچيب يا زاجا غام

قیزیل گولون یارپا غیندان
سهندکیمی شاه داغیندان
گوزل آنا تورپا غیندان
داستان آچيب يا زاجا غام

مئشهلرین کولگه سیندهن
آذربایجان ئولکه سیندهن
عاشقلارین نغمه سیندهن
داستان آچیب یا زاجا غام

بلبل لرین قفسیندهن
بوغولمایان ائل سسیندهن
اوشاقلارین هوسیندهن
داستان آچیب یا زاجا غام

چن بوروین چنلی بئلدهن
دادلی سوزدهن ، شیرین دیلدهن
آدلی سانلی ایگیت ائلدهن
داستان آچیب یا زاجا غام

بولاقلارین گوزه سیندهن
باغلی قاپی رزه سیندهن
آجی حیات مزه سیندهن
داستان آچیب یا زاجا غام

x x x x

وطنین دیر

xxxxxxxxxxxxxxxxxxxx

دا غدان آشدیم

سئلده ن گئچدیم

گاه یورودوم

گاهدا قاچدیم

توتانما دی

یئللرمنی

بوغانما دی

سئللرمنی

چوخ آرادیم

چوخ آختاردیم

عاشق اولام

بیرگوزله

تاپانما دیم

منی دویان

شعره اویان

بیرگوزه لی

x x x

آددیملادیم

آلولاردان

یاندیرما دی

اودلار منی

دوندارمادی

قارلار منی

دمیر عصام

چوپه دوندو

دمیر چاریق

یئرتیلاراق

آختاردیغیم

آل یاناغی

بال دوداغی

تاپانمادیم

چوخ چیغیردیم

چوخ سسله دیم

کیمسه منه

سس وئرمه دی

x x x

داغدان ، داشدان

اوج - بوجاق سیز

یا شیل چولدهن

ماوی گلدهن

گوی دریا دان

آل قرمیزی لاله لردهن

آی ایشیقلی هاله لردهن

می له دولو

پیا له ده ن
آخار سودان
شلاله ده ن
سرا غلاشديم
خبر آلدیم
ئوره گيمده آختاردينغيم
او سئوگيلي
جانا نيمي
اينا ميمي
ايما نيمي
ديله گلدی
آنا تورپاق
مئشه لرده
يا شيل يارپاق
شا عرسنين
ايسته ديگين
محبتين بسله ديگين
سنين آنان
وطنين دير
x x x

مینیا تور

xxxxxxxxxx

بیرطرف " دوزلاخ " دیر

بیرطرف دا غدیر

گوز نه قدر ایشله ییر

مئشه دیر، با غدیر

بیرطرف دوشه نیب

" قجرچمنی "

گزمکه چا غیریر

سکوتلامنی

" زلزله بولاغی "

قایناییر، داشیر

سولاری با غلاردا

گوله دولاشیر

عکس ائدیر سووندا

ماوی سمانی

بیرآزجا اویاندا

" قودوخ بوغان " دیر

یا تاغی زمرّد

داشی مرجان دیر

چشمه لر قایناییر

توکولور اونا
چوخالیر گئد- گئده
سوو بوچایین
دورونده با غلارین
بیلمیره م سایین
سووندان جانلانیر
بو آنا تورپاق
بزه گی لاله دیر
یئلپگی یارپاق
آز آزاراق اویاندا
" قطورچایی " دیر
دا غلارا سس سالان
اونون هاییدیر
اوزاقدان آزاراق
ئولکه مه گلیر
بورغوتک دا غلارین
با غرینی ده لیر
سواریر ئولکه مین
زمی سین ، باغین
قیزاردیر لاله تک
گولون یا ناغین
زحمت له بیرلشیر
یارادیر نعمت

اوندا دیر بویوک لوک
اوندا عظمت
کناری هر طرف
بستان دی ، باغدی
دره دن بورولور
دا غلاردان آشیر
آینا تک آرازا
گئدیر یانا شیر
اوشاق تک آتیلیر
آنا قوینونا
سارما شیر کورپه تک
اونون بویینونا
او ماوی خزرده
ئوزون تانیدیر
ئولکهم سه بیربدن
قطور قانیدیر
اوزاقدان گورونن
" اورین " داغی دیر
آغ پاپاق باشیندا
بویلانیب باخیر
اتکده ، چشمه لر
کلابدیر ، آخیر

گونشین شفقی
اونا ساچاندا
آغ ئوزه بنزه ییر
آلما یاناخلی
ئوستونده آغ بولوت
قرمیزی یانیر
او ، اودلار یوردونون
بیرنشانی دیر
آذری خلقینی
اٹله تانیدیر
لاله لر دوشونده
چراغ دیر یانیر
ذروه ده گزیشن
مارالدى، جیران
ازلدهن حسنونه
اولموشام حیران
شهرتین سوروشدوم
اوبادان ، اٹلدهن
دیرناغی بویا نمیش
لاله ده ن ، گولده ن
طبیعت نا زوئیب
کوزه ل لیک اونا

قیسقا نیرگل لرده

یا شیل باش سونا

قارتالار یوردسالیر

ذروهده باشدا

کهلیک لرا وخیور

یا ماجدا ، داشدا

نرگسه بنزه ییر

او خمارگوزو

اوگوزه وورولموش

کهلیگین ئوزو

های سالیر یا ماجدا

سرهده ، داشدا

x x x x

یا ییلمیش هریانا

چیچک دی ، لاله

یا قوتدان ، شوهدن

گوزهل پیاله

شادلیقدان گوزیاشی

توکنده لاله

خجلتدهن آی چکیر ئوزونه هاله

آغ بولوت ئوینده

" آورین " ین باشین

چشمه‌لر آخیردیر

گوزونون یاشین

کلابدیر هرطرف

آخیشیب گئدیر

x x x

بوچوللر ، طبیعت

بوپوتدو منی

سئویره م بوکوزه ل

داغی چمنی

اویاشیل مئشه‌لر

کولکه‌لنندیگیم

هله‌ده قلبیمی

هربهارچاغی

غنچه‌یه بورویور

چیچکه ، کوله

دوزه جگم

xxxxxxxxxxxxx

هرنه‌قدر جورائده‌سن کوزه‌ل جیران دوزه جگم

کیرپیکلرین ثوره‌گیمی ، آلسان‌شان دوزه‌جگم

قارازلون ساچسا منی اولسا ایلان دوزه‌جگم

گئچرگئده ر ، دگیشیلر ، قارادوران دوزه‌جگم

یانار اود دورمحببتیم ، سویوق سودان سونه بیلمز
دایم ایزلرگوزوم سنی گوزهل سندن دونه بیلمز
صداقتیم سینانیب دیر، یاریولوندان چونه بیلمز
سوکوب قوشا سوموگومو، قاراهجران دوزه جگم

قارانلیقسا قاراگنجه قاباقدا وارآیدین سحر
آیریلیقین عمرو آزدیر، یاردان گلربیرگون خبر
انتظارلار چاتارسونا، وصال چاغی گلر، ییثر
صاف ثوره کله ائيله میشم عهدوپیمان دوزه جگم

غمزه لرین منی بیخسا، اوهرانین ثوره ک سیخسا
گونش ئوزون، پارلایاراق بخت ائویمده بیرگون چیخسا
غم کدریم زایل اولار، خبرین وارگوزهل یوخسا
هرنه جفا گورهم سندهن، قاشی کمان دوزه جگم

وورولموشام قیزیل گوله، بالدان شیرین، شیرین دیله
بیرله شرکن ایکی ثوره ک بیر- بیرینیلین دیلین بيله
جان آلماغا خنجر چکیر، خمارباخیش، قاراگیله
عشق اوغروندا ئولسم اگر، وئرسم ده جان دوزه جگم

دان اولدوزو چيخاناک ، سحرشفق آتاناک
ظلمت گئجه قاچاناک ، گونش ايشيق ساچاناک
گوزله پيره سحر آخسام ، سورو شما چوخ هاچاناک
آچاناک قيزيل گوللر ، لاله ريحان دوزه جگم

سيمی قيریخ ، سینیق سازام ، ئوره گیمده سوزوم قالدی
کم چوب گئده ن ائلا یچینده بیرگوزهلده گوزوم قالدی
حیرتده ایم فراقیندا ، هاردان منده دوزوم قالدی
آجی هجران وار- یوخومو ائدسه تالان دوزه جگم

نبی آتین چا پاناک ، هجرینی تا پاناک
زینب پاشابوش سفره چین ایستی چوره ک یا پاناک
چوبان ایتی ، قودوز قوردو ، دیدیب ، ییرتیب قا پاناک
آلای لاری پوزاناک ، آلای پوزان دوزه جگم

باخچالاردا قیزیل گولم ، یازاولاندا گوله گللم
قفسده ایم بلبل کیمی ، اوخویارام دیله گللم
شن ماهنی تک سسله نهره ک گاه اوبایا ، ائله گللم
مین گولومو غارت ائدسه بادخزان دوزه جگم

قوجا تارزن

xxxxxxxxxxxxxxxxxxxx

تاری چال آی قوجا تارزن دیله گل سین
سرا و جال سین ائله گل سین
گول آغا جلاری بزه نسین ، گوله گل سین
مژده سی بلبله گل سین
خومدا می قاینایا راق غلغله گل سین
قورخما مضرابی ووراندا ائله وورکی
تاردا تئلر ، تئله دگسین
دریا تک قوی لپه لنسین
فکر قوشلارینی میندیر
سونا لار تک لپه یه
دالغالردا ن شپه یه
ان اوزاقلاردا ئوزه رکن
گوره لر زهره نی چنگ الده چالیر
شهره آشوب سالیر
شعردریا سینا شاعر جو ماراق
فکره دالیر
آل اله تارینی کوکله
قوجا تارچی
کوچه ده جارچکه جارچی

بوگنجه صبحه کیمی تویدو وشنلیک

آخ نئجه دیرلیک ؟

آی گوموش ساچلار حریرده ن

قوجا تارزن

" شوری " چال

خسته ئوره کلر شوراگلین

بلکه یاریم بوراگلین

چالگیلن " بسته نگاری "

اویاد او نازلی نگاری

قوجا تارزن سنی تاری

چال " آرازباری "

آراز بلکه دایانسن

اودا ، یانسن

چال گیلن سسلنه " زابل "

گوله بلبل ، سالا غلغل

زمی لرده ساری سنبل

قوی دنیز تک لپه لنسن

ساری ساچلار سپه لنسن

" قطار " ایله

ینه کاروان یولادوشون

تپه مهورلاری آشین

بلکه " مهور " سسیله

قوجا ساروان دا اویانسن
 حله کاروانینی چکسین
 چال " خراسان " ی
 کوزو یولدادی خیام
 قوی " نیشابورنوا " سی دیله گلنسن
 ووباعی ایله قاتیشسن
 او نوالرله حسن ده الموت دا
 سنجری جانیه گتیرسن
 بوگنجه غملی یم آنجاق
 قوجا تارزن
 منه گل اولما مخالف
 چال " مخالف "
 کی توافق تا پیلا
 خلقین ایچینده
 قار- دومان هریانی توتמוש
 چوخ سویوخ دو، قاراقیش دی
 " خارج " ه چیخما " سه گاه " دان
 وقتی دیر چال بیر " هراتی "
 قوج کوراوغلو مینه آتی
 چنلی بئلده توتالار، توی ونشاطی
 قوی حصارلار بیخیلا
 بیر " حصار " ایله

گوروشک بیزده یاريله
 چال " بیات " ی
 نبی دلسین قازاماتی
 قوجا تارزن
 گنجه گنچمیش سحره آزالیرآنجا ق
 چال " حجاز " ی
 تا مناجات واذان سسلری بوخلقی اویاتسین
 بونحوست داغیلا چال بیر " همایون "
 بو کدرلر اولاداغون
 سنه عشاق دی وورغون
 سالگیلن پردهء " عشاق " ده فریاد
 تاپا ، شیرینی نی فرهاد
 او گوموش ساچلارینی یئل دیده لرکن
 سانیرام سانکی حریردی
 یئتیریب دیر اونو شوشتر
 ثوره ک ایستر
 چالینا " شوشتر " و " شهناز "
 نه قدر نازو " کرشمه "
 توکولور تار تثلیندهن
 باخ آغلاردا سیغیرچین
 چالی " سارنج " (۱)

گل منی ائتمه شکسته
 چال گیلن " کسمه شکسته "
 او بویوبسته نگاره
 دئیین ئوزدهن آچا برقع
 قوجا تارزن چالیری تاردا
 " مبرقع "
 آچیلیر " بال کبوتر "
 گئچیری " نوروز " ا تارزن
 " راک " دابوینوزلارینی (۱)
 دیکله یه رهک میدانا گلدی
 ئولولرده جانا گلدی
 بودا " منصوریه " دیرکی
 ائده جک خلقی مظفر
 قوی ظفر بایرا غی منصوریه ده
 قالخسین ، اوجال سین
 " میرزا حسین " عینکی سیلسین (۲)
 ینی دنیاده اولارکن اودا دلخوش
 چال گیلن بیردنه " دلکش "
 " کردافشار " ایله قوی قاوزانا غوغا

۱- راک یعنی قوچ و چهارگاه گوشه لریندن دیر

۲- میرزا حسین بیرنوعی سه گاه دیره

قورولا بیر ینی دنیا
 " اصفهان " چال قوجا تارزن
 تاکی شاه میدانینا ولوله دوشسون
 قوجا مسگر تری سیلسین
 ینی بیر نقش یار اتسین
 مینیا تورچی تازا بیر رنگ لریله
 گله جک نقشینی
 بیر گولدا نا چکسین
 گل گوزون قربانی ساقی
 وئر پیاله چالاتارزن ده " رُها بی "
 انتظامه چکه بو حال خرابی
 دوزه لنده ایشیمیز
 کوکله یه بیر " راست "
 ائشیده نلر گئده دوز یول
 بزه نه چوللریمیز، کووشنیمیز
 لاله چیچکده ن
 چال ثوره کده ن
 ینه " دشتی "
 رقصانده حور بهشتی
 گئجه گئچدی
 نه " دوگاه " دی نه " سه گاه " دی

وقت بیت مکده دی

" چارگا هی " بیتیر

اثللری کا مه یئتیر

آی گوموش سا چلار حریرده ن

قوجا تارزن

وور اومضرابی دایانما

سوکولر دان یئری ایندی

هامی قالخار

باخ اذانچی گئدیری مسجده ساری

او منار ئوسته

اذان وئرمه ده اعلام ائده جکدیر

گئجه قورتاردی

سحر دیر

هامی قالخسین

x x x x

گئجه و سحر

xxxxxxxxxxxxxxxxxxxx

گئجه لر اوزون

گئجه لر قارا

گئجه لر چکیر

غم منی دارا

گئجه لر زهر

بورویور شهر

غم ، غصه ، کدر
آی سیز ، اولدوزسوز
قارانیلیق گئجه
یاریمدان اوزاق
من یاتیم نئجه
شرقدن سحر
گلنه قدر
منتظر گوزوم
صبحی گوزله ییر
یاری ایزله ییر
آی دان اولدوزو
نه دن چیخمیرسان
ظلمتین ائوین
نیه ییخمیرسان
گل ایشیق سحر
بزه نسین شهر
ضیالی گونش
ظلمت ئوستونده
قوی چالا ظفر
گونش باخاندا
ایشیق یاخاندا

دا غین باشیندا ن
 کونلوم آچیلار
 چیچک سا چیلار
 قارانیلیق قار
 قیزیل گول آچار
 گول ئوزدهن سیلر
 گوزونون یاشین
 غنچه قاوزیار
 گویله باشین
 نرگس ده بیلر
 گلیبدی سحر
 خمارگوزلرین
 یوخودان آچار

+ + + +

چال عاشق

xxxxxxxxxxxxxxxxxxxxxx

کند ائوینده باجادان دوشدو ایشیق

تویا ، شنلیک لره سن سن یاراشیق

چال عاشق

چال سازی دیلندیر عاشق

شاختا وورموش باغی گوللندیر عاشق

مردی نا مردی ده بیللندیر عاشق

چال سازی چن بوروسون چنلی بئلی
توی و شنلیک لرایچون سسله ائلی
سازی چال قوی یئرش ائدسین دلی لر
میدانا گئدسین دلی لر

چال عاشق

چال گئجه یئتسین سحره

نبی گلسین شهره

توی توتاخ بیزده نبی له هجره

چال عاشق

سس گویه یوکسه لسین عاشق

سس گویو دلسین عاشق

ائل تويا گلسین عاشق

ولوله سالسین عاشق

اونداکی آلتا ربیگ ، گلینه

قایناتا شال سربینده بئلینه

چال عاشق لیلی یه مجنون یئتیشه

کهنه مبحث بیتیشه

چال عاشق آتش هجران سونسون

کهنه دبلر دونسون

قالما سین شیرینه حسرت فرهاد

عشقه ، عشق اهلینه سن سن استاد

چال عاشق

ماهنی سسی قوی اوجالا

یاشا عاشق کی سئوهرسن توی اولا

سازی چال هرنه اولارسا قوی اولا

عاشق دوستوم

xxxxxxxxxxxxxxxxxxxxxxxx

عاشق دوستوم

گونلرقارا

چکیردارا

سازینداکی سیملرکیمی

دارتیلیرام ، اینجه لیره م

یورولورام ، دینجه لیره م

سیم لرینه مضراب دگسه

سس قوپا ریر

هارای سالیر

روحوم سازدیر

مضراب دگسه

حق یوخدور

چیغیرما غا

یار یولداشی

چا غیرما غا

بنزه بیرهمها بیزگونو

بیر یارها غا

دوشسم يتره

گليب - گئده ن ايا قلاير

ازيليره م ، چورويوره م

+ + + +

عاشق دوستوم

حيات سودور

آخير - گئدير

بودنيا يا

باخير ، گئدير

عاشق ثولسه

سازي قالار

سوزو قالار

لال شاعري

آجي حيات

يانديري

كوزو قالير

عاشق دوستوم

چال سازيني

سنين سازين

منيم سوزوم

سنين اودون

منيم كوزوم

قوی قیزدیرا

قارا قیشی

دگیشدیره

یارا نیشی

غنچه وباغبان

xxxxxxxxxxxxxxxxxxxx

باغبان گولون سئوهر ، آنا او شاغین، معلم شاگردینی .
باغبان ، آنا و معلم هرا وچو زحمتله حاصله کنیرمیش
گول و او شاق و شاگردین ضایع اولماسین گوره نمزله .
بوشعر ۱۸ اردیبهشت ۵۷ ده تالان اولموش غنچه لره
تقدیم اولموشدور .

بیرگون سحر

باغ ایچینده

طوفان قالخدی

کولک اسدی

نئچه - نئچه

آچیلما میش

غنچه لری

قیندان کسدی

باغبان گلدی

گزدی باغدا

سینمیش غنچه

سولدا - ساغدا

قوجا قلبی
دردله دولدو
غمگین اولدو
بسله دیگی گول آغا جی
باغ ، بوستانین
گوزه ل تا جی
دیریلیگی
اوبا غبانا
ائتدی آجی
باغبان باخدی
گوللرینه
قابا روورموش
الرینه
یارالاری ساغالما میش
گوللرینده ن
ذوق آلمامیش
تاپتالامیش
طوفان گولو
طبیعتین
غدارالی
سیندیرمیشدیر

گول آغا جین
باغ بوستانین
گوزهل تا جین
گورنده گول ، چیچکینی
غنچه لرین کویچکینی
سیندیر میشدیر
قارا کولک
باغبان جیردی
کوینگینی
بوینو سینمیش
غنچه لری باغ لایردی
بیرجه - بیرجه
باغبان آنا
گول اوشا غی
سیندیر یلسا گول بوتاغی
"باغبان آغلار
پارا و جوندان
آلما - هیوا
نارا و جوندان"

x x x

دولدور پيالهنی

xxxxxxxxxxxxxxxxxxxx

دولدور پيالهنی

آغ ساچلی میفروش

کوکسومده غم

قالانیر ، سانکی

قاف داغی

چیخمیر نفس

محکم بودارقفس

سیخیری دائما منی

دولدورپيالهنی

آ گوموش تثللی ارمنی

قورتارمنی

سیخیلارکن فنا رکیمی

داشلانسام اوندان

بودنیا خراب اولار

کوکسومده چیرپینان

بو ثورهک بومبادیر

اگر

پاتلارما

داغ - درهنی

یکسان ائیله بیر

دولدور پيالهنی

آغ ساچلی میفروش

تا نوش - نوش له

دولامیخانه ساحه سی

دردلی ، کدرلی

قارا نلیق اوزون گئجه

تاحل اولار

پیالده ، میده

شرابده

قوی " مشرق پیالده ن "

حافظ دئیه ن تکی ن

نور پارلا سین

گونش کیمی میده ن

بو ظلمته

اوندا کی صبح آچیلار

نور سا چارگونش

دولدور پيالهنی

آغ ساچلی میفروش

شمشیر تک

گونشده

ثلوثلو ائدنده می

چنگ ايله رودكى
 سحرى پيشوا زائده
 ظلم زمانه دهن
 كورا ولان
 گوزلرين آچا
 آتش ساچا
 نهكى ظلمت
 وظلم وار
 اودلاردا يانديرا
 نئجه يانميشدى گوزلرى
 دولدور پيالهنى
 آغ ساچلى ميفروش
 سعدى اياق يالين ؟
 واسير فرنگ اولاي
 پالچيق آياقلايا ؟
 تاجر يوزاللى ده وه
 يوكله يه متاع
 انسان كي انسانا
 عضوا دلانير
 بودور ؟
 دولدور پيالهنى
 داها يوخ صبر و طاقتيم

هجراندا قان اولار

ئوره گيم

چولده لاله تك

دولدورا يچيم

گوله كونلوم

پياله تك

فكر

xxxxxxxxxxxx

فكرلر قارتالدير

فكرلر قوشدور

قانادسيز اوچارلار

يئيبن قاچارلار

فكرلر يوكسكدير

اوجا داغ كيمي

فكرلر ظريفدير

فكرلر لطيف

فكرلر ايپكدير

فكرلر بولوت

فكرلر بورغودور

داغلاري دئشر

ان اينجه ساپلاري

فكرلر ائشر

فکرلر شیرین دیر

فکرلر آجی

فکر دیر دنیا نین

گوزهل آغا جی

فکرلر میوه دیر

فکرلر باردیر

فکر وار زنداندیر

فکر وار دار دیر

فکر وار دشمن دیر

فکر وار یاردیر

فکرلر بلبل تک

گیرمز قفسه

فکرلر جیران دیر

دا غلاردا گزر

فکرلر چناردیر

اگیلمز سینار

فکرلر دوشونر

فکرلر قانار

فکرلر آدلایار

کئنیش دنیزی

فکرلر خلق ائدهر

فکرلر ادادار

فکرلر زنجیره
چکیله بیلمز
فکرلر سونگوده ن
آسیلابیلمز
فکرلر چیچک دیر
فکرلر گولدور
فکرلر آینا دیر
فکرلر سودور
فکرلر چراغ دیر
نور ساچار، یانار
فکرلر یارادیب
بیزیم دنیانی
فکرلر نقش دیر
فکرلر نگار
فکرلر وثریری
انسانا وقار
فکرلر ضیاء دیر
فکرلر ایشیق
فکرلر دیر انسانا
گوزهل یار ایشیق
فکرله اوچورو
گویلره انسان

فكرسيز ديري يه

دئيرلر "حيوان"

خيال قوشو

xxxxxxxxxxxxxxxx

گئجه لری ، گونوزلری

گوزله بیرم گول ئوزلری

دالغالانان دنیزلری

خيال قوشوم ئوتوب گئچیر

قارتال کیمی ذروه لره

قاناد چالان خيال قوشو

کوی سماده سوزورگئدير

قطارلارين دوزور گئدير

گویده ن باخير يئره ساری

آختاریری بیر نگاری

هرئولکه ده ن، هرديار دان

سراغ توتور نازلی یار دان

ایشیقلاری اوآختاریر

قارانلیقی دلیر، یاریر

آراییری خوش جنتی

انسانلیغی ، محبتی

قان قوخوسو گلن یئری

او، سئومیری دونور کئری

او سئویری گوللو باغی
 قار ئورپه کلی، هوندور داغی
 طراوتلی یارپاقلاری
 نعمت وئره ن تورپاقلاری
 او سئویری گول بوتاغین
 قارچیچکین ، بایرام چاغین
 می له دولو باده جامین
 شاعرلرین شعر، الهامین
 ئوره ک آچان سازسی نی
 اوشاقلارین هوسینی
 یول گوزله یین آناگوزون
 عاشق لارین سازین ، سوزون
 اوجاقلارین سونمز کوزون
 گوزه ل یارین آلاکوزون
 هی آختارار خیال قوشوم
 فکریم ، روحوم ، عقلیم ، هوشوم

پرده

xxxxxxxxxxxxxxxx

ال آت اوقیطانا بوپرده نی قالدیر
 بونه حال دیر
 منی سنده ن آیینان تکجه بوپرده
 سالدی درده

ئورەگىم بىرتىكە قاندىر

آي اماندىر

رحمە گل آزمنى ياندىر

شەلەء عشقىنى گوندەر

ايشى دوندەر

اود وورور قلبىمە ھجران

دلى جيران

كونلوم اولموش سەنە حيران

كەنە دردە يىنە درمان

باخىشىندىر

گولوشوندور

پردەنى قاوزا گوروم آي ئوزونو

دىنلەيىم بال كىمى شىرىن سوزونو

سوندوروم بلەكە بوھجران كوزونو

يول بىردىر

xxxxxxxxxxxxxxxx

بىرمنم ، بىرسن

كندىولوندا

تەكجە بىرچنار

بويولون ايكي كنارى وار

بىرطرفلە سن گئىدىرسن

بىرطرفىندە من

يول بىردىر
 مقصد و مقصوددا بىر
 سن او ياندان
 من بوياندان
 آخردە بىراڭو
 بىر مەنزىلە چا تارىق
 او ائودە
 او مەنزىلە بىرلەشكەن
 يول اوزونو
 نە ايچون دىيىپ ، دانىشپ
 يولداش اولما دىيىمىز
 تاء سفا ئدەرىك
 يول ئوستوندىن چنار
 بويلانىپ باخار
 تەسخرانئدەر
 بىر ، بىرىمىز
 خوش - بىشائىمە دىيىمىز
 دوستوم
 بويلون ، يولچوسو
 بىر مەنم ، بىرسەن

چنار

يئرينده قالار

وئر الين اليمه

قوى بيرا ولسون

آدديلار يميز

بيركه دويونسون

ئوره كلر يميز

x x x x

آذرى گوزهلى

xxxxxxxxxxxxxxxxxxxxxxxx

وورولموشام خيلى وقت دير آي گونشين پاراسينا

ئورهك قوشوم قونوب چوخدان كمان قاشين آراسينا

قانا دلانسا دوشه جكديرگوزلرينين قاراسينا

اودلاميسان ئوره كيمي مرهم ائله ياراسينا

سن آذرى گوزهلى سن ، گوزه للرين گوزهلى سن

دنيا بوتون گوزهل اولسا هامى سيندان مزه ليسن

هارا گئدسم ، نه يى سئوسم سن عشقيمين ازلى سن

سن چكميسن گوزهل منى وورغونلارين سيرا سينا

فرهاد كيمي كلنگ ايله ، داغ ، داشلارى ده لرم

اوددان سودان آدلاراق سنه طرف كلرم

اوزاق دوشم گوزهل سندهن جيران كيمي مه لرم

سينا منى ، ئولسم اكر چكيلسم ده داراسينا

من عاشقم سن تک یارا ، گل قلبیمه وورما یارا
کمان قاشین اوخ آتاند ، قارازلفون چکیر دارا
کونول قوشو ، یوواسالیب ، ساچلارینی آزجا دارا
سیندیرمیسان ثوره گیمی ، بیر فکر قیل چاراسینا

هله عاشقم

xxxxxxxxxxxxxxxxxxxxxx

گوزه لیم نه قدر کی زمان گئدیر
گزیشیر داماریمدا قان گئدیر
کسیکر امیدیم واما ن گئدیر
سنی دینله ییب ، سنی سسله ره م
هله عاشقم ، عشق بسله ره م

گلونده ئوزه ن اوگوزهل سونا
منه سود وئره ن مهربان آنا
واله اولدوغوم شوکته ، شانا
هله عاشقم عشق بسله ره م
سنی دینله ره م ، سنی سسله ره م

یوردوم اودلاردان یارانان زمان
قانلی دشمنه ، وئرمه ییب امان
سنی سئومیشم آی گوزهل جیران
سنی دینله ییب سنی سسله ره م
هله عاشقم ، عشق بسله ره م

با غلی بستانلی بوگوزهل دیار
قدیم دهن قالمیش بیزه یادگار
بایرام اولاندا ، گلنده بهار
سنی دینله ییب ، سنی سسله رهم
هله عاشقم ، عشق بسله رهم

آتاندا شفق ، دوغاندا سحر
گوللودا غلارا سالگیلن نظر
ای گوزهل ئولکهم ، ای گوزهل شهر
سنی دینله ییب ، سنی سسله رهم
هله عاشقم ، عشق بسله رهم

آذر ائولادی ، سئوهر وطنی
بوغرور گویه ، یوکسه لديرمنی
گونش یاراندا ، دومانى چنى
سنی دینله ییب ، سنی سسله رهم
هله عاشقم عشق بسله رهم

بوکولور بئلیم ، آغاریرباشیم
وئرالین منه ، دوغما قارداشیم
هجرده سئل کیمی آخسا گوزیاشیم
سنی دینله ییب سنی سسله رهم
هله عاشقم عشق بسله رهم

اودا حی دوتش، هریانا ساچار
کللرده سونا، آغ قاناد آچار
غم لر دا غیلار، کدرلر قاجار
سنی دینلهره م سنی سسلهره م
هله عاشقم عشق بسلهره م

سئوینجیم سن سن، کدریم ده سن
گووننم آدینا، هر زمان وطن
اوزا قدا، یاخیندا، هر بیر یئرده من
سنی دینلهییب سنی سسلهره م
هله عاشقم عشق بسلهره م

قلمیم

xxxxxxxxxxxxxxxxxxxx

قلمیم، قیلنجیم
اوخوم، خنجریم
قلمیم، سپریم
جبهه م، سنگریم
اوجوندان آخارکن
قارا گوزیاشین
قلبیمین اودونا
تسلّی وئره ر
ئوره کده گیزلهنن
درین آرزومو

اوخومون اوجوندا

ایزینده گوره ر
قلمیم قیلینجدیر
میصری قیلینج
کورا و غلو بابام دان
چا تیب دیر منه
قلمیم اوخو مدور
قارداشیم آرش
بیرینجی اولاراق
تورانا آتیب
قلمیم خنجر دیر
حسن الیه
تا خیل میش سنجرین
باشی ئوستونه
قلمیم سنگر دیر
امیره قیز دا
ستارخان مردلیک له
دایا نمیش اورددا
بوسنگر قایتار میش
اٹله آزادلیق
قلمیم جبهه م دیر
دالیندا دورموش
میلیونلار، اینله یین
قابرلی اللر

آل قانی بویا سا
تورپا غی ، یئری
یولوندا ن هئچ زما ن
قایئتما ز گئری
قلمیم سپردیر
باشیما چکسم
دئولرین مکرینده ن
منی قوروپا ر
قلمیم خنجردیر
قلمیم اوخدور
قلمیم اولما سا
من لیگیم یوخدور
قلمیم آلیبدیر
الهامی ائلده ن
چکینمز طوفاندا ن
چکینمز سئلده ن
قلمیم توپلاردان
تانک دانا ن ئوستون
قلمیم گولله دیر
دا غلاری ده لر
قلمیم ائلیمین
وصفینی یازار

قلمیم دشمنین
قبرینی قازار
سلاحیم قلم دیر
ئوره گیم قلم
قلمیم اولما سا
من کیم؟ نهیم؟

بیزیم کی دیر

xxxxxxxxxxxxxxxxxxxxxxxxxxxx

آغلایری آنام آراس
ئولکه میزده ئولومدو یاس
دینله دشمن بیرقولاغ آس
سون غلبه بیزیم کیدیر

زنجیرله محکم ساریلمیش
قانلاريله سوواریلمیش
ظلم ده ن کوکسو یاریلمیش
آنا تورپاق بیزیم کیدیر

حق لرینی دشمن دانان
گولله لرده ن باغری یانان
دوز دوشونه ن، دوزگون قانان
آییق ملت بیزیم کیدیر

کلیددەن قورتاران دیلر
یومراقلانمیش قاباراللر
بو قالخیشان بویوک ائلر
ظلمه قارشى بیزیم کیدیر

قارانلیغا نورتك ساچان
دوستاقلاری ، پیخیب آچان
قاباغیندان دشمن قاچان
بویوک ائلر بیزیم کیدیر

دوگوشلرده قیزغین اصلان
جراۋ تینه اولموش حیران
عدالته وورغون انسان
قهرمان ائل بیزیم کیدیر

گنجه گئددی

xxxxxxxxxxxxxxxxxxxx

صبح دور

قالخ آياغا

قارداش اذانلار دئیلیر

ائل دورور

سیل کوزونو

گنجه گنچمیشدی

سحرچا تمادا دی

بسی غفلت یوخوسو

گئجه ئولدو

سحرا ولدو

ها می چیخمیشدی

سحر پئشوازینا

باخ گونش چیخما دادی

گئجه نی ییخما دادی

گونشین ایلک شعا سی

دویور ظلمتی آنجا ق

دور آ یا غا

وئرا لین

ائل الینه

باخ شهره

وای نه شور دور؟

نه اولوب؟

ظلمت ئولوب

هله

هریا نی توتמוש

گئجه قا چمیشدی

سحر دیر

آچ او محکم قفلی

بیر دیله گل

باخ سحرنشئه سی
ئوزلرده یانیر
اثل او یانیر
بونودنیا دا قانیر
قارا ظلمت
قاراگون
بیرگونشیلہ دا غیلیر
صبح دور
قارداش او یان
کاروان اوینادی
یولادوشدو
قوجا سروان
شرقه باخ
دان سوکولور
سانکی گوموشدور
های دوشوبدور شهره
آلقیش اولسون سحره
شانلی ، غیرتلی باجیم
قوج هجریم
یوللارا باخماداها
انتظارلار
باشا چا تمیش

او آلاگوزلره

چک ، سرمه

یه هرله بوزآتی

نبی دهلدی

قازاماتی

زندان دان مکتوب

xxxxxxxxxxxxxxxxxxxxxxxx

ایستکلی سئوگیلیم مهربان قادین

چیخارمی یادیمدان مگر بیر آدین

خیالیم دولانیب گزیر هریانی

شعریمله دهلیره قارا زندانی

گوروره هر طرف دومانندی قاردی

هر طرف زندانندی ، ثولومدو ، داردی

گوروره قارداشلار چکیلیب دارا

باجیلار باشینا سالینیب قارا

گوروره ثولکه می غرق اولوب قانا

باتیری عزایه آغ بیرچک آنا

بورویوب هریانی قان ، ثولوم ، دهشت

ظلم ایچره بوغولور قهرمان ملت

قارانلیق بورویور اودلاردیارین

گوره نمیر کورا و غلو داها نگارین

بو قالین دیوارلار سیخسادا منی
اونو تمام هئج زمان آنا وطنی
شک ائتمه گوزه لیم بودومان ، بوقار
قلبیمه یوک اولان گوبوت دیوارلار
داغیلار، اری یهر، ییخیلار، اینان
بوقوچا دنیا میز اولاندا جوان
بیزیم ده کوچه یه بایرام گله جک
ئولکه میز گول آچیبینه گوله جک

تبریز- زندان ۱۳۳۳

جوجه همیشه سبد آلتیندا قالماز

xx

هرگون

هرگئجه

هرآخشام

سحر

قانیله بویانیر

بوئولکه شهر

قیریلان انساندیر

بوآخان قاندیر

سئویرسن آتش آج

سئویرسن یاندیر

آج گوزون دویماسا
اثلین قانیندان
حکم ائله جلادار
ینه قان توکه
ایلر دیر یاسلی دیر
قهرمان ئولکه
اما بیل بوقانلار
ئولوم ، جنایت
محبوسا ائدیلن
ظلم ، شماتت
توره نمیش یانقونلار
اودلار ، آلاولار
وورولموش اللره
محکم بوخا ولار
دیللره وورولان
آغیر قفللار
کهنه بیر دنیانی
قوروما زانچاق
تاریخین درسلی
دگیل اویونچاق
بوآخان قانسئلی
بوغاجاق بیرگون

قاتلى ، جلادى
ساتغىن آلچا غى
يىتتیشيب ائلىمین
آزا دلیق چا غى
اویا نیب یوخلاماز
بوا ئل ، بو اوبا
x x x
هرگنجه
هرسحر
توکولرسه قان
بوملت یولوندا ن
قاییتما زاینان
نه ئولوم
نه زندان
نه چرکین بهتان
حریت عاشقین
قورخویا سالماز
دئیشلر بابالار
کهنه مثلدیر:
" جوجه سبدآلتیندا همیشه قالماز "

حیاتی می قارا ائتمیش قارا گوزون گوزه لیم
 چراغ حسنونویان دیر بیر آن اوزون گوزه لیم
 صداقت اهلیم آنجا ق سوزومده یوخدو یالان
 وورولموشام سنه چوخدان دئسم دوزون گوزه لیم
 ئوزون گونشدی حجاب ایچره قویما چوخ قالسین
 گونوزلریم گئجه اولدو گل آج ئوزون گوزه لیم
 گولنه سن بو طبیعت گولور منیم ئوزومه
 آجی حیاتی می شیرین ائدیر سوزون گوزه لیم
 کماندی ، قاشلارینی قویما قصد جان ائتسین
 قرارو صبریم آلیب دیر او قاش گوزون گوزه لیم
 روادگیل سرکویینده کسمه میم قربان
 روادی یوز جانیم اولسا کسم یوزون گوزه لیم
 او قرمزی یاناغین یاندیریبدی وارلیغیمی
 اماندی کول اولورام خاموش ائت کوزون گوزه لیم
 سویوق یانا شسان اگروار- یوخوم دونا ر بوزتک
 اجاق مهرینی یاندیر اریت بوزون گوزه لیم

۲

گوزلرینین قاراسیندا غرق اولموشام نازلینگار
 ساچلارینی کمندائیله بوغولورام ای گوزه ل یار
 گوزه ل لیکده بیردنه سن گوزه ل لره دردنه سن
 جفا ائدسن من دوزه ره هم همراه اولارچیچکله خار

باش آغاردی دا غلارکیمی خزان وورموش با غلارکیمی
 ثوره ک اریر یا غلارکیمی ، عاشقینی ائیله مه خوار
 عمروم گونش داغ باشیندا ، سیرتک دوررام قارشیندا
 نه چون باخما زاو ، یارمنه بیرقول کیمی منی ساتار
 وطنیمده غریب اولدوم ، مجنون کیمی درده دولدوم
 آواره یم عشق الیندهن ، هر نه غم وارمنی تاپار
 بلبل اولدوم قفسینده ، شقام سنین نفسینده
 دئدیم درده علاج ائیله ، اما او یارمنی آتار
 قاشین کمان کیرپیگین اوخ- یارا وورور قلبیمه چوخ
 ثوره گیمی نئشترکیمی ده لر ، دئشر ، یارار ، باتار
 دوز عاشقم ریام یوخدور محبتیم ، وفام چوخدور
 خزانه وفاسم ده عنادا ئدهر ، اونو دانار
 گونش چیخدی صبح آچیلدی گئتدی ظلمت نورسا چیلدی
 یاتان دوردو گوزون سیلدی منیم بختیم اما یاتار

۳

ئتیش ساقی کی خم جوشه گلیب پیمان نه لریانندی
 شراب ناب ده ن اکراه ائدهن دیوانه لریانندی
 بیزی تکفیر ائدهن زاهد خرابات ایچره مست اولدو
 قویوب دستاری لوطی تک دئییر : جانانه لریانندی
 اونوتدو زهد و تقوانی ، مرید می فروش اولدو
 وئریب فتوا کی مسجداود توتوب ، میخانه لریانندی
 عسله ال بیر اولدو قدان خجالت اولدو غون گوردوم
 چیغیردیم شیخنا شادم ، قدیم افسانه لریانندی

دئدین یوخ عقلیمیز زاهد، شامتت یاغدی هریاندا
 بیزی ذم ائبلهین تهمت ووران فرزانهلریاندى
 قیریلدیق یار بوینوندان، داغیلدیق اینجی تک یئرده
 هجوم عشقه گوردون نئجه دردانهلریاندى
 کمال حسنده دلبرجایی قالدیریپ ئوزدهن
 گوزه للیک تا ایشیقلا ندی گوروب پروانهلریاندى
 اولوب همکاسه رندان عبادت پیشه زاهدلر
 شراب عشقه ن بیرجام ایچن مستانهلریاندى
 نوای ناله نی دهن فراق یاری دینلرکن
 عمارت لر کوله دوندو، نه تک ویرانهلریاندى
 رقیبین جورونا دوزدوک جمال یاری گورمک چون
 بیزیم صبروتحمل دهن آلاو قالخدی، نهلریاندى
 پریشان حالیمیز جانا پریشان اولدو زلفون تک
 بو حالی سیرا ئدهن هم دوست هم بیگانهلریاندى
 خرابات ایچره نامرده نه یئرواردیر ونه منصب
 بودورکی آتش عشقه فقط مردانهلریاندى

۴

سارال دیم نی کیمی سولدوم نیستانیم خزان اولدو
 یورادیم ناله زاری سسیم گوجلو فغان اولدو
 بلای عشقه دوشدو کده، نوای نی له سیزلاردیم
 او داش قلبه اثر ائتمز، ئوره کلر گرچه قان اولدو

راجنون کیمی چوللرده گزسم یوخدوبیرفایدا
 سرکویین منه ماء وا ، گئجه گودوز مکان اولدو
 فراقین داغلایارقلبی ئورهک یاغدير چراغ ایچره
 نه سوزدل کوله دوندو نه آتش دهن امان اولدو
 کونول دریا و عمان دیر ، اوزاق ساحل گورونمزدیر
 ئورهک ملاح سرگشته ، گرفتار طوفان اولدو
 یارالی قلنبیمه مرهم چالان تاپسام نه غم واردیر
 ولاکن او محبت^س لر ، وفا ، مردلیک یالان اولدو
 گونش چیخسا بولوتلاردان و نورین ساچسادیایه
 گوره رسن یئر ئوزوگلشن ، شقایق جان آلان اولدو
 گلر بیرگون بهار فصلی گوره رسن شیدابلبل تک
 نئجه شاعر وطن گلزارینه نغمه سالان اولدو

۵

جفای هجره کونول دوز نگاره یالوارما
 کمند زلفی ایله چکسه داره یالوارما
 صداقتین سینا یارکن آغا جدا گول چوخ اولار
 وفاسی اولمایان هر گلعه داره یالوارما
 وقاری اولمایان عاشق جمال دلبری دویماز
 دایان وقاریله پیس روزگاره یالوارما
 کلرسه یاز گونو لایداریر داغین قاری
 داریخما قیش داگئدهر ، بوز و قاره یالوارما
 عزیز مصرلیکه میلین اولسا زندان وار
 جفای محبسه دوز نابکاره یالوارما

تحميل ائيله جفايه رقيب سنگدلين
 ائده رسه قتلىنه حكم و اشاره يالوارما
 طبيبه درديمى دون سويله ديم به قصد علاج
 مريض عشقه دئدى : يوخدو چاره يالوارما
 آلاولانيب ياناسان اود، دا مثل پروانه
 رضایت ايله خليل اول و ناره يالوارما

۶

صبا سفارشیمی یارمه لقایه یئتیر
 بوقان اولان ئوره گین آتشین سمایه یئتیر
 چمنده لاله قان آغلار شکایت ائدسه هزار
 خزانه اوغرایا گول دهر پرجفایه یئتیر
 سینیق سفینه نی رحم ائت تلاطم امواج
 کرانهء سلامتہ چک سونرا ناخدایه یئتیر
 زمانہ تک ئورہ گی داش اولان نگارہ دئیین
 جفا و جوری گونش ، ظلمی آیه یئتیر
 یا غار سا جور داشی عشقه رغبتیم چو خالار
 خلوص نیته باخ ، دردی آشنایه یئتیر
 محبت عالمینی قاندا غرق اولان آنلار
 بوسری آنلاماز هرکس اوبی وفایه یئتیر
 آلاودا یانما سا پروانه بیلمز عشق نہ دیر
 قرار و صبر آرایان بینوا ، گدایه یئتیر
 طریق عشقده ذم اوخلاری ائدیب خسته
 طبیبه سويله کی مرهم بو مبتلايه یئتیر